

四庫全書

集部

欽定四庫全書

集部

柳河東集注卷九至十三

詳校官內閣學士_臣瑞保

檢討_臣何思鈞覆勘

總校官進士_臣朱鈴

校對官編修_臣馮敏昌

謄錄監生_臣方祖益

欽定四庫全書

柳河東集注卷九

宋 童宗訖 張敦頤 潘緯 音釋

表銘碣誄

唐相國房公德銘之陰

房瑄也 德銘
李華所撰

天子之三公稱公王者之後稱公諸侯之入為王卿士
亦曰公有土封其臣稱之曰公尊其道而師之稱曰公
楚之僭凡為縣者皆曰公

為一作與

古之人通謂年之長老

曰公故言三公若周公召公王者之後若宋公為王卿士若衛武公虢文公鄭桓公其臣稱之則列國皆然師之尊若太公楚之為縣者若葉公白公

為一作興葉失涉切

年之

長老若毛公申公涪公

張云涪音浮又房尤切漢書有申涪公涪音陪

而大臣

罕能以姓配公者雖近有之然不能著也唐之大臣以姓配公最著者曰房公房公相玄宗有勞于蜀人咸服其節相肅宗作訓于岐人咸尊其道惟正直慈愛以成於德用是進退所居而事理辯所去而人哀號理袁人

袁人不勝其懷

袁一本
並作遠

為文士趙郡李華銘公之德亂

故不克立令刺史太原王涯嘉公之道猶在乎人人不
忘公之道為之刻石且曰州之南有亭曰需宴亭公之
為也人之思也乃增飾棟宇即而立焉州人大悅咸會
隕涕言曰昔公以周召之德微子之仁有土封以為卿
士道為三公德為國師年為元老嘗為縣縣懷其化至
于州州濡其澤

濡音
如

凡公子孫罔不戴慕盛德之詞文

而不刻更刺史數十莫克興起乃卒歸于王公王公嘗

以機密匡天子于禁中承公之道

承一作遵

刺于我邦由公

之理

由一作序
又作承

又能尊公之德起遺文以昭前烈則其

入為卿士三公也孰曰不宜吾懼其去我也遽願書于
銘之陰用永表於邦之良政

國子司業陽城遺愛碣

四年五月皇帝以銀印赤紱即隱所起陽公為諫議大
夫後七年廷諍懇至累日不解帝尤嘉異遷為國子司
業旌直優賢道光師儒又四年九月己巳出拜道州刺

史太學生魯郡李儻

一本作儻

廬江何蕃等百六十人

或云二百

七十人

投業奔走稽首闕下叫闥籲天願乞復舊朝廷重

更其事如己已詔翌日會徒北嚮如初行至延喜門公

使追奪其章遮道願罷遂不果獻生徒嗷嗷顧眄徘徊

顧一本作相

昔公之來仁風扇揚暴傲草面

傲音傲

柔輦有立

輦一作懦乳充切

聽聞嘉言樂甚鐘鼓瞻仰德宇高逾嵩岱及

公當職施政示人準程良士勇善偽夫去飾情者益勤

誕者益恭沉酗腆酒

童云酗吁句切醉怒也亦作醕醕他典切多也

斥逐郊遂

違親三歲罷退鄉黨令未及下乞歸就養者二十餘人
禮順克彰孝悌以興則又講貫經籍俾達與義簡習孝
秀俾極儒業冠屨裳衣由公而嚴進退揖讓由公而儀
公征甚遐吾黨誰師遂相與咨度署吏布告諸儒願立
貞珉俾高狀明乃訪于學古之士紀公名字垂憲于後
公名城字亢宗家于北平隱于條山惟公端粹沖和高
嶷懿醇

嶷魚力切
又魚其切

道德仁明孝愛友悌薰襲里閭布聞

天下守節貞固患難不能遷其心怡性坦厚榮位不足

動其神為司諫義震于周行為司業愛加于生徒宜乎
立石俾後是憲其辭曰

惟茲陽公履道葆醇爰初隱聲覆簣基仁

簣音匱

德充而

形乃作諫臣抗志勵義直道是陳帝求師儒貳我成均

成均五帝之學
謂為司業

開朗蒙滯宣明德教大和潛布玄機密照

羣生聞禮後學知孝進退作則動言是倣匪公之軌人
用奚蹈麤厲貪凌待公順之欺偽譎詐待公信之少年

申申咸適其宜榎楚廢弛

榎古雅切禮記學記注榎楸也楚荆也所以扑撻犯禮者

尊嚴而威公褒其良俾升于堂癰者既肥

癰音衡韓非子云子夏始

癰而後肥有問之者子夏曰吾戰勝問曰何為戰勝子夏曰吾入見夫子之義則榮之出見富貴又榮之二者戰于胸臆故癰今見夫子之義勝故肥也榮如衮衣公棄不用懲咎內訟既

訟于內猶公之誨匪仁孰親匪德孰尊今公于征孰表
儒門生徒上言稽首帝閭謂天蓋高曾莫我聞青衿涕
濡填街盈衢遠送于南望慕跼踟立石書德用揚懿則
嗚呼斯文遺愛罔極

唐故給事中皇太子侍讀陸文通先生墓表

陸淳字元沖後避憲宗諱改賜
名質門人私謚曰文通先生

孔子作春秋千五百年以名為傳者五家今用其三焉

左氏公羊穀梁三傳故
有鄭氏夾氏凡五家

秉觚牘

觚音孤竹簡也字合作
觚牘木板古者用以寫

書

焦思慮以為論注疏說者百千人矣攻訐狠怒

訐居
切

狠下
懇切

以辭氣相擊排冒沒者其為書處則充棟宇出則

汗牛馬或合而隱或乖而顯後之學者窮老盡氣左視
右顧莫得而本則專其所學以訾其所異黨枯竹護朽
骨以至於父子傷夷君臣詆悖者前世多有之甚矣聖

人之難知也有吳郡人陸先生質以其師友天水啖助

啖徒濫切助字叔佐唐書有傳

洎趙匡

字伯淳

能知聖人之旨故春秋之

言及是而光明使庸人小童皆可積學以入聖人之道

傳聖人之教是其德豈不侈大矣哉先生字某既讀書

得制作之本而獲其師友於是合古今散同異聯之以

言累之以文蓋講道者二十年書而志之者又十餘年

其事大備為春秋集注十篇辯疑七篇微指二篇明章

大中發露公器其道以生人為主

生一本作聖

以堯舜為的

芭羅旁魄

童曰步角切封禪書云旁魄四塞魄字唯此音步角唐韻除四陌切外別音記注史記落

托貧無家集韻又作薄音白各切注云聲也歐陽尚書火流于王屋為鵲其聲魄韻中音義於此不通今依封

禪書音步角切

膠輶下上

張曰膠或作輶音膠輶音葛解在第二卷

而不出于正其

法以文武為首以周公為翼揖讓升降好惡喜怒而不

過乎物既成以授世之聰明之士使陳而明之故其書

出焉而先生為巨儒用是為天子爭臣

質佐陳少遊幕府少遊薦之朝

授左拾遺

尚書郎國子博士給事中皇太子侍讀皆得其道

刺二州守人知仁

謂歷台信二州刺史

永貞年侍東宮言其所學

為古君臣圖以獻而道達乎上是歲嗣天子

憲宗

踐阼而

理尊優師儒先生以疾聞臨問加禮某月日終于京師

某月日葬于某郡某里嗚呼先生道之存也以書不及

施于政道之行也以言不及覩其理門人世儒是以增

慟將葬以先生為能文聖人之書通于後世遂相與謚

曰文通先生後若干祀有學其書者過其墓哀其道之

所由乃作石以表碣

一無碣字

唐故兵部郎中楊君墓碣

楊凝

貞元十九年正月某日守尚書兵部郎中楊君卒某月

日葬于奉先縣某原既葬其子姪洎家老謀立石以表

于墓葬令曰凡五品以上為碑龜趺踞首

踞合作踞也知切如龍無

角而黃趺音夫足也謂碑足為龜形

降五品為碣方趺圓首

圓一作圭

其高四

尺按郎中品第五以其秩不克偕降而從碣之制其世

系則紀于大墓君諱凝字懋功與季弟凌生同日不周

月而孤伯兄憑剪髮為童家居于吳太夫人母道尊愛

教飭謹備君之昆弟孝敬出於其性禮範奉于其舊克

有成德輯其休光

輯音集

東薄海岱南極衡巫文學者皆

知誦其詞而以為模準進修者率用歌其行而有所矜

式君既舉進士以校書郎為書記毗贊元侯于漢之陰

式徙荊州

凝大歷三年進士興元元年樊澤節度山南東道凝掌書記貞元二年澤徙荊南節度使

凝隨府遷

由協律郎三轉御史元戎出師用顯厥謀遂入王

庭為起居郎書法不回著垂國典又為尚書司封員外

郎草正封邑申明嫡媵

嫡丁歷切媵以證切

事連權右斥退勿憚

直聲彰聞仍參選部

仍一本作乃選去聲謂為吏部員外郎

以馭羣吏姦

臣席勢威福自己他人求附離而不可得者

離音麗

公則

却之私以胥吏求署一皆罷遣曰吾不以三尺法為己

利害居喪致哀內盡其志外盡其物而無有不得于心

者服除為右司郎中危言直己以致其誠然卒中于諛

辭

諛音賁險也

不得朝請以檢校吏部郎中為宣武軍節度

判官毫人缺守往莅其政孤老撫安強猾戮死墾鑿境

鹵

童云上丘交切與
曉同下音魯鹹也

芟艾榛荒

潘云艾與刈同

作爰田以贍人

食濬決潢汙築復堤防為落渠以定水禍理不半歲利

垂千祀會朝復命次于汴郊帥喪卒亂不可以入遂西

走闕下

貞元十四年冬凝朝正京師十五年春還汴
二月節度使董晉卒汴軍亂凝走還京師

璽

書迎門勞徠甚備以疾居家三年復登于朝

十八年凝
起家為兵

部郎中

遐邇咏歌仍遇痼疾天子致問于三月不賜告幸

其愈而用之遂卒天下文行之士為之悲哀嗚呼君有

深淳之行有強毅之志內以和於親戚正於族屬外以

信於朋友施於政事故身之進退人之喜戚繫焉凡其

昆弟申明于朝制書咸曰孝友君子謂楊氏其仁義之

府君之文若干什皆可以傳於世若某者以姻舊獲愛

子厚乃凝兄
楊憑之壻

不腆之文君實知之惟車馬幣玉無可以

稱其德用君之所以知者酬焉

故御史周君碣

張唐英云御史必周子
諒也事見唐張九齡傳

有唐貞臣汝南周氏諱某字某以諫死葬于某貞元十

二年柳宗元立碣于其墓左在天寶年有以諂諛至相

位

牛仙客

賢臣放退

張九齡等

公為御史抗言以白其事得死

于墀下史臣書之公之死而佞者始畏公議於虜古之
不得其死者衆矣若公之死志匡王國氣震姦佞動獲
其所斯蓋得其死者歟公之德之才洽于傳聞卒以不
試而獨申其節猶能奮百代之上以為世軌

一本下有
者也二字

弟令生於定哀之間則孔子不曰未見剛者出於秦楚
之後則漢祖不曰安得猛士而存不及興王之用沒不
遭聖人之歎誠立志者之所悼也故為之銘銘曰

忠為美道是履諫而死佞者止史之志石以紀為臣軌

今

一本無
今字

唐故衡州刺史東平呂君誄

呂溫字化光

一字和叔

維唐元和六年八月日衡州刺史東平呂君卒爰用十月二十四日藁葬于江陵之野嗚呼君有智勇孝仁惟其能可用康天下惟其志可用經百世不克而死世亦無由知焉君由道州以陟為衡州君之卒二州之人哭者逾月湖南人重社飲酒是月上戌不酒去樂會哭于

神所而歸余居永州在二州中間其哀聲交于北南舟

船之下上必呱呱然

孤音

蓋嘗聞于古而觀于今也

一觀

本作

觀 君之志與能不施于生人知之者又不過十人世

徒讀君之文章歌君之理行不知二者之於君其末也

嗚呼君之文章宜端于百世今其存者非君之極言也

獨其詞耳君之理行宜及于天下今其聞者非君之盡

力也獨其跡耳萬不試而一出焉猶為當世甚重若使

幸得出其什二三巍然為偉人與世無窮其可涯也君

所居官為第三品宜得謚于太常余懼州吏之逸其辭也私為之誄以志其行其詞曰

麟死魯郊其靈不施濯濯夫子故絜其儀冠仁服義干

櫓書詩

童云櫓音魯
防城具也

忠貞繼佩智勇承綦

音具
履飾

跨騰商

周堯舜是師道不勝禍天固余欺鬼神不怒妖孽咸疑

孽一本作
孽魚列切

何付之德而奪其時嗚呼哀哉命姓惟呂勤

唐以力輔寧萬邦受胙爾國惟師元聖

太公望

周以降德

世征五侯伊祖之則嗣濟厥武前書是式至于化光爰

耀其特春秋之元儒者咸惑君達其道卓焉孔直聖人
有心由我而得敷施變化動無不克推理惟公舒文以
翼宣于事業與古同極道不苟用資仕乃揚進于禮司
奮藻含章決科連中休問用張署讎百氏錯綜逾光超
都諫列屢皂其囊

漢官儀凡章奏
言密事用皂囊

帝殊爾能人服其智

戎悔厥禍款邊求侍盛選邦良難乎始使君登御史贊
命承事風動海壖

而宣切

皇威以致來總征賦甲茲郎吏

制用經邦時推重器諸臣之復

出周禮宰夫掌諸臣之
復注復反也報于王一

本作後者非

周官匪易漢課牋奏鮮云能備君自他曹載出

其技筆削自任羣儒草議正郎司刑邦憲為貳

實翠為御史中

丞請溫為知雜

紕佞肅邪諂諛具畏

一作糾遯伊尔邪諂具畏

遷理于道

道

州刺史

民服休嘉恩疎若昵惕邇如遐實閑其閤而撫于

家載其愉樂申以舞歌賦無吏迫威不刑加浩然順風

從令無譁繇蠶外邑我繭盈車雜耕隣邦我黍之華既

字其畜亦藝其麻鑿鼓斯屏

必郢切

人喜其多始富中教

興良廢邪考績既成王用興嗟陟于嶽濱

衡州

言進其律

號呼南竭謳謠北溢欺吏悍民先聲如失逋租匿役歸

誠自出兼并既息罷羸乃逸

罷即疲字

惟昔舉善盜奔于鄰

左文十六年晉士會

今我興仁化為齊人惟昔富人或賑之粟

左襄

二十九年子皮饒國人粟戶一鍾

今我厚生不竭而足邦思其弼人戴

惟父善胡召災仁胡罹咎俾民伊祐

一本作怙

而君不壽矯

矯貪凌乃康乃茂嗚呼哀哉廩不餘食藏無積帛內厚

族姻外賙賓客恒是懸罄逮茲易簣僮無凶服莫非舊

陌嗚呼哀哉君昔與余講德討儒時中之興希聖為徒

志存致君笑詠唐虞揭茲日月以耀羣愚疑生所怪怒

起特殊齒食噉噉

斗刀切衆口愁也

雷動風驅良辰不偶卒與

禍俱直道莫試嘉言罔敷佐王之器窮以郡符秩在三
品宜謚王都諸生羣吏尚擁良圖故友咨懷累行陳墓
是旌是告永永不渝嗚呼哀哉

唐故尚書戶部郎中魏府君墓誌

魏弘簡

魏氏世墓于某縣某原唐興有聞士諱之過者

過他歷切又音

狄與子及孫咸舉進士嗣為儒家綿州涪城尉諱全瑤

一本作珪

魏州臨黃主簿諱欽慈太常主簿諱緄

音袞

尚書膳

部員外郎兼江陵少尹諱万成凡五代名高而不浮於行才具而不得其祿江陵府君益之以閎達之量經緯之謀故豪士賢大夫痛慕加厚生郎中府君諱弘簡字曰裕之以文行知名既冠而德禮聞于鄉黨既仕而法制立於官政溫柔發乎外見而人莫不親直方存乎內久而人莫不敬由進士策賢良連居科首授太子校書歷桂管江西福建宣歙四府為判官副使累授協律郎

大理評事三為御史

一本無
三為字

賜緋魚袋在州六年而人

樂之廉使崔衍曰吾敢專天下之士獨惠茲人乎遂獻

于天子拜度支員外郎轉戶部郎中邦賦克舉人望逾

重年四十七貞元二十年九月三十日不疾而歿震悼

之聲遐邇一辭

一作同

且曰斯人也而不得為善之利中

人其急乎君嘗三娶而卒無主婦庭無倚廬

服舍也倚
木為之

堂無抱孤有令兄弟以主其喪有孝女以守其祀故哭

于客位弔于殯東者咸加哀焉凡為部從事府喪而當

其位者三州缺而居其守者一一本作二皆得其理君之先

再世貧不得葬故以祿仕遊于諸侯薄衣食損車馬凡

十有餘祀卒獲于厥心其族屬之無主後者皆位于墓

娣姪之無歸從者咸會于家由是處約以終其世既歛

家宰庀其政

童云庀匹婢切具也

視廩唯釜鍾

釜六斗四升鍾六斛四斗

視藏

唯束帛無餘積焉十有一月遣車歸于洛師

遣詰戰切送死者之

車洛師洛陽

某日祔于墓監察御史柳宗元聞其道而翫其

文也久居又同閤

音翰里門

故哀而銘之其辭曰

郎中之道惟直是保淳泊坦厚溫恭孝友郎中之文惟
孝是宣溥暢周流炳蔚紛綸為周賢能為漢賢良始仕
雖校篇籍有光仍授使檄訐謨用揚二居郎位征賦以
理休聲載起顯命伊始生而不壽孰知其止歿而不嗣
孰濟其美有翩其旗爰舉裳帷行道遲遲望墓而歸象
物是宜卜筮孔時里人作銘不愧于辭

唐故朝散大夫永州刺史崔公墓誌

崔敏

維元和五年九月十五日壬子永州刺史崔公薨于位

享年六十八乙未殯于路寢丙寅遷神于舟以某年某

月日歸葬于某縣某原祔于皇考吏部侍郎贈戶部尚

書府君之墓尚書諱漪

於宜切一本
作漪者非

玄宗南巡內禪聖

嗣府君以謀畫定命起一旅以復天下厥功茂焉尚書

之先曰貴鄉丞贈太常少卿府君諱子美太常之先曰

揚州江都丞府君諱道禎

陟盈切

行高位卑華冠士族公

諱某字某承世德之清源浚之以蠲潔以端其志

蠲居淵切

潔也采羣言之枝葉植之以茂實以脩其能始由右千牛

備身佐環衛更盤屋

音軒室

三原藍田尉仍有大故三徙

同位

三徙皆為尉

繼授許州臨潁汝州龍興令推以直道二

邑齊風哥舒曜尹河南鯨寇猾驚黎人播越表公尉河

南糗糧芻芡

糗去久切又邱救切熬米麥也芡乾芻

戎備畢給版圖田洫

許域切

民事時入遷揚州錄事參軍實吳楚之大都會也

政令煩拏

汝加切

貢奉叢沓一日不膏

張云七入切當是葦字寫轉作菁吳

本楚辭中有如此書者

鷦鷯四至

鷽遵全切鷽才笑切亦作誚謫也

公為之優游

有裕長史司徒杜公

杜佑也

與之揖讓異於賓僚入為太

子司議郎拜歸州刺史巖險湍悍人類鳥獸古號難理

公克有聲遷永州刺史朝散大夫惟是南楚風浮俗鬼

戶為胥徒家有襍梗

音梗禦害之祭

大者虐鰥孤以盜邦賦毆

愚蒙以神訛言悖于政經莫有禁禦公於是修整部吏

黜侵凌牟漁者數百人

牟取也

以付信于下而征貢用集

擒戮妖師毀焄蒿淫昏者千餘室

焄音薰氣也禮記云焄蒿悽愴又左傳云

用諸淫之鬼

以舉正羣枉而田間克和寬以容物直以率下

邦人方安其理搢紳猶鬱其望體魄既降

死也出記禮運

哀何

有窮嗚呼公前夫人徐州參軍滎陽鄭鉅女有子曰義
和早夭後夫人万年尉范陽盧彤女嘉淑之德繼聞宗
族有子曰貽哲貽儉克承于家洎公之兄子曰勵曰禮
誠願志于墓無忘公之德銘曰

孰為德門清河濬源遠哉汙汙

遠哉一作其流

世有顯懿揚其

清芬煥炳增華昭于後昆惟魴與鯉舊史是尊孰為茂
功尚書清風藹其有融勃馬而興披草從龍布令諸夏
敷和六戎赫矣太陽克昇于中孰為惠政公嗣餘慶彤

于謠詠小程其功大遂其性黠吏是省妖風以正于邑

于邦

一作施
于邑邦

哀揚休命孰為遺愛公去昭代邦人斯瘳

音每
病也

始焉是賴今也何戴孰葬我公于洛之會何以銘

之徽音不昧

故永州刺史崔君權厝誌

崔簡字子敬
子厚之姊夫

博陵崔君由進士入山南西道節度府始掌書記至府
留後凡五徙職六增官至刑部員外郎出刺連永兩州

未至永而連之人愬君御史按章具獄坐流驩州幼弟
訟諸朝天子黜連帥罷御史小吏咸死投之荒外而君
不克復元和七年正月二十六日卒孤處道洎守訥奉
君之喪踰海水不幸遇暴風二孤溺死七月某日柩至
于永州八月甲子藁葬于社壇之北四百步

壇以醉切
又平上二

音

崔氏世嗣文章君又益工博知古今事給數敏辯善

謀畫南敗蜀虜西遏戎師其慮皆君之自出後餌五石

病瘍且亂

瘍音陽
瘡也

故不承于初今尚有五丈夫子夫人

河東柳氏德碩行淑先崔君十年卒其葬在長安東南少陵北君以竄沒家又有海禍力不克祔三年將復故葬也徒志其一二大者云

鮑為祖暉為父世文儒積彌厚簡其名子敬字年五十增以二葬湘澁

童曰音
筮水涯

非其地後三年辭當備

唐故萬年令裴府君墓碣

裴瑾

公諱瑾字封叔河東聞喜人太尉公諱行儉實高祖侍中公諱光庭實曾祖刑部員外郎府君諱稹

一本作實
稹者非

祖大理卿府君諱倣實父公由進士上第校書崇文館
飭館事修整左春坊由是立署局後參京兆軍事按覆
校巡大尹恒得以取直為太常主簿搜逖疑互探挾逖
隱宿工老師不得伏匿皆來會堂下耆股肱役喉喙以
集樂事作坐立二部位圖卿奇其績奏超以為承司空
杜公杜黃裳聯奉崇陵豐陵禮儀德宗莫崇陵
順宗莫豐陵再以為佐
離紛尤雜貌尤雜貌導滯塞闕百執事條直顯遂司空拱手以
成自開元制禮諱去國恤章累聖陵寢皆因事擘綴取

一切乃已有司卒無所徵公乃撰二陵集禮藏之南閣

轉殿中侍御史仍拜尚書比部員外郎會校成要

周禮月成

月要並會計簿書

暮月畢具刺金州決高施隙

張云字當作隙乞逆切柳文隙

字皆作隙檢韻並無

去人水禍渚芟原茅闢成稻梁陟萬年令叢

劇辨肅談宴終日人視之若居冗官然會金州猾吏來

揚言恐喝以煩褻事曰不得三十萬吾能為禍公大怒

召罵之恣所為吏巧以聞御史按章具獄再謫道州循

州為佐掾會赦量移吉州長史元和十二年七月日病

店泄卒

童云店詩廉切泄音薛

始公以唯諾聞長安中奔人危急

輕出財力如索水火性開蕩進交大官不視齒類挾同

列收下輩細大畢歡喜博奕知聲音飲酒甚少而工于

紉謫

紉即糾字

謠舞擊罍

五洛切徒擊鼓曰罍徒歌曰謠

纖屑促密皆曲中

節度而終身不以酒氣加人晝接人事夜讀書考禮收

摠策牘

摠俱詠切拾也

未嘗釋手以是重諸公間初娶范陽盧

氏無子後夫人柳氏德為九族冠生三男子喪其二焉

貞元十六年某月日卒祔于長安御宿之北原

御宿地名冢

欽定四庫全書

林氏集卷九

三

子銑

蘇典切冢子長子也一本作有諄子三字

奉柩以明年月日克葬于墓

銑以文書來柳州告其叔舅宗元願碣于墓左則涕為

之銘其辭曰

有鬱其馨惟裴之卿

瑾父微為大理卿

世服大僚仍耀烈名封

叔申之實惟其英雖書宮闈佐職于京太常命吏以能

增秩相儀考禮大弁斯畢

書顧命云率循大弁弁與卞同

鳩工展伎爰

備聲律或圖或書藏之府室史于柱下郎于會司微循

以周大比是宜作牧于金金人允懷溝防漢游塾沃卒

移

墊都
念切

增我歲食易其芋魁游手間民相顧聚來徵為

萬年治劇于都百務叙成談宴以娛誰恤誰恃不忍悍

吏胡巧其辭按章以遂由道斥循施施三年

孟子注施
施猶扁扁

喜悅
之貌

更赦進資廬陵是遷人曰世德宜慶于延又曰良

能宜力之宣朝有大賚期賜其還

一本
作爰

鬼神不享命隕

在前長原有墓高曾祖父淑靈是祔封叔爰歸左右惟

具孤銑磨石祈辭海陬

將侯
切

遂升其趺于道之周

欽定四庫全書

柳河東集注
卷九

柳河東集注卷九

欽定四庫全書

柳河東集注卷十

宋 童宗說張敦頤潘緯 音釋

誌

唐故中散大夫檢校國子祭酒兼安南都護御
史中丞充安南本管經略招討處置等使上柱
國武城縣開國男食邑三百戶張公墓誌銘

并

序 張舟

漢光中興馬援雄絕域之志

為伏波將軍討交趾

晉武一統陶璜

布殊俗之恩

都督交州

理隨德成功與時並今皇帝

憲宗

載新

景命丕冒海隅時惟公祇復厥績交趾之理續于前人

公諱某字某某郡人也曾祖彥師朝散大夫尚書駕部

郎中祖瑾懷州武德縣令考清朝議郎試大理寺丞贈

右贊善大夫咸有懿美積為餘慶公以忠肅循其中以

文術昭于外推經旨以飾吏事本法理以平人心始命

蘄州蘄春主簿句會敏給

句音構會古外切

厥聲顯揚仍以左

領軍衛兵曹為安南經略巡官申固扞衛有聞彰徹轉
金吾衛判官三歷御史績用弘大揚于天庭加檢校尚
書禮部員外郎換山南東道節度判官復轉郎中為安
南副都護賜紫金魚袋充經略副使遷檢校太子右庶
子兼安南都護御史中丞充本管經略招討處置等使
公自為吏習於海邦凡其比較勤勞利澤長久去之則
夷獠稱亂張云獠魯皓切又竹巧切西南夷名復至而寇攘順化及受命
專征得陳嘉暮誓拔禍本納於夷軌即軌字乃命一其貢

奉平其歛施牧人盡區處之方制國備刑體之法道阻

而通百貨地偏而具五人儲侍委積

童云侍直里切待也羽獵賦音雉委

於偽切積

師旅無庚癸之呼

左哀十三年吳申叔儀乞糧呼曰庚癸乎注庚西方

主穀癸止

繕完板榦

工翰切築牆板下從木

控帶兼戊己之位

漢前

西域志元帝置戊己二校尉注戊己中央鎮覆四方

文單環王

單都寒切虜姓可單氏後改為單氏

即真臘國環王本

怙力背義公於是陸聯長轂

戰車出左傳

海合艤艫

即蒙衝突敵之戰船

再舉而克殄其徒廓地數圻

數上聲圻

音沂出左傳

以歸于我理烏蠻酋帥負險蔑德公於是外申

皇威旁達明信一動而悉朝其長取州二十以被於華
風易皮弁以冠帶化姦宄為誠敬皆用周禮率由漢儀
公患浮海之役可濟可覆而無所恃乃刳連烏以闢坦
途鬼工來并人力罕用沃日之大束成通溝摩霄之阻
磐為高岸

童云磐他力切又丈列切毀也周官有磐蕋氏

而終古蒙利公患彊

場之制一彼一此而不可常乃復銅柱為正制鼓鑄既
施精堅是立固圉之下明若白黑易野之守

張云易以政切平地

也出周禮險逾丘陵而萬世無虞奇琛良貨

琛丑林切寶也

溢于王

府殊俗異類盈于藁街

街名漢有蠻夷邸館

優詔累旌其忠良太

史嗣書其功烈就加國子祭酒封武城男食邑三百戶
凡再策勲至上柱國三增秩至中散大夫某年月薨于
位年若干天子震悼傷辭有加明年其孤某官與宗人
號奉裳帷率其家老咨于叔父延唐令某卜宅于潭州
某原葬用某月某日人謀皆從龜兆襲吉乃刻茲石著
公之閼以志于丘窆

童云樞頌充芮二切穿也出周禮

以告于幽明銘

曰

周限荆衡秦開百粵交州之治矣劉是設

漢武帝元鼎元年置交趾

郡德大來服道消自絕伏波南征漢威載烈

漢馬援

宛陵

北附晉政爰發

晉封陶璜宛陵侯

我唐流澤光于有截皇帝中

興武城授鉞肅肅武城惟夫之哲更歷毗贊顯揚彰徹

既受休命秉茲峻節度其謀猷守以廉潔厚農薄征匪

猶匪桀通商平貨有來肯悅

晉即胥字

踐山跨海堅其鶴列

陳兵也莊子云鶴列於嚴難之間

制器足兵潰茲蟻結烏蠻屈服文單

剪滅彘遠開疆會朝天闕銅柱乃復環山以砮

張云數列切摘

也墮海無溝迂

音午

冠罔踰越琛賁之獻

童云徐刃切
亦作贐同

周于

窮髮

不毛之地

帝嘉成德載旌茂閭增秩策勲土封斯裂位

厄元侯年虧大耋邦人號呼夷裔悽咽卜葬長沙連岡
啟穴書銘薦辭德音罔缺

唐故邕管經略招討等使朝散大夫持節都督

邕州諸軍事守邕州刺史兼御史中丞賜紫

金魚袋李公墓誌銘

并序

李位

公諱某字某實惟文皇帝之玄孫別子曰承乾

別筆列切

為

皇太子以藩愛逼奪危慄致禍後封恒山為愍王贈荆

州大都督繼別曰象斬春郡太守贈越州大都督郇國

公大宗曰玼

張云蒲竭毗賓二切夏書作嬪

太子詹事贈秘書監生庠

冀翼二音

尚書左丞凡四代有土田居貴仕公丕承之以率

南服克荷天休繼有功德公始以通經入崇文館登有

司第選同州叅軍入佐金吾衛

右金吾大將軍范希朝奏位佐其府

進太

僕主簿叅引大駕府移為左右神策行營兵馬節度以

為推官

貞元元年范希朝為左右神策京西諸城鎮行營兵馬節度使鎮奉天復奏位為府推官拜

監察御史賜緋魚袋凡二使其率皆范司空希朝

率所類切

即帥字

進殿中侍御史湖南都團練判官以寬通簡大輔

治得中道府遷主後事師人愛慕欲以貞元故事為請

又恐懼抑留復從浙東為都團練副使轉侍御史又從

浙西如其職加著作郎凡三使其率皆薛大夫革刺岳

信二州得劉向祕書以能卒化黃白日召徒試術為仇

家上變就鞠無事勅笞殺告者猶降建州司馬陟刺泉

州會烏獬夷刺殺郡吏

童云獬字諸韵無疑是獬牛佳魚中二切楚辭猛烏獬犬戎也

或云當作烏翬即黃
洞蠻也刻一本作叛毆縛農民詔以公都督邕州兼御

史中丞賜紫金魚袋為經略招討使既至則數弓橐甲

數與毆同它刀切弓
衣也橐音託囊也去斤侯禁部內無敢以賊名使得

自澣濯諸酋長咸頓首送款故虜獲輸稅奉貢願比內

郡人遣子吏都督所

言為吏於
都督之所

人復耕稼無有威刑居

五月頃有黑螭鼓江流壞北岸直城南門覆船殺人然

後去父老泣曰吾公其殆矣嘗合承

童云承亦作頌
胡貢切水銀也流

黃丹砂為紫丹能入火不動以為神服之且十年然卒

以是病暴下赤黑數日薨實元和十三年六月十五日

年五十七僚宰庀事有緹五兩

童云緹音題又他禮切赤色帛兩音量力讓切

無金銀泉具幾不克飲夷人號呼致幣歸以明年月日

葬祔其穆長安西南高陽原上夫人陳氏先公十五年

沒父曇亦都督邕州終孤孟輿愿且文亞曰仲權次曰

季謀年自九歲以下有兩壻博陵崔行儉勁峭有立志

滎陽鄭師貞敏捷能羣皆聞名銘曰

文濬維祥

文皇帝即太宗

實亘實延家諱不嗣

太子承乾

宗以支傳

邨公克庸詹事繼賢湜湜左丞

湜視力切

惟道之宣公寬且

惠以教則順五來戎政二佩郡印師歡民愛克懷以信

誠辭告訕

一作訟

卒白其訊烏獬狴狂盜海剽山帝命平

南遯彼羣蠻虎龍煌煌英蕩是將舟之金玉以為公服

公既蒞止告以文理推義赴仁攷弓服矢闢是垣壘完

其父子復我邦賦弛予卒士貌不功矜情不伐喜蠻人

涕懷投刃以俟方底成績蟲孽告妖悍石構灾升屋而

號

平聲招魂也出禮記禮運篇

椎髻卉裳

椎音槌髻音介謂髻如椎也卉謂里切蕉葛之服並

南蠻
之飾

來賻來觀
撫撫麟原
祔之顯魂

松柏芊芊
音封域

安安代有高墳堯文之孫

唐故邕管招討副使試大理寺直兼貴州刺史

鄧君墓誌銘

并序

君諱某字某南陽人漢司徒禹之世也曾祖倚皇連州
普城令祖少立皇滄州司馬考邕皇左武衛兵曹參軍
惟君敏給以御下廉忠以承上幹蠱之稱洽於諸侯信
謹之跡彰于所莅故自始仕以至沒世未嘗無聞焉初

以試太常寺奉禮郎更職於劔南湖南江西前後連帥

咸器其能以柄於事於劔南

佐節度韋臯

則亭擬閱實以循

官刑盡哀敬之情致淑問之頌寬猛之適克合于中於

湖南

佐觀察楊憑

則外按屬城內專平準莅邠人錫石之地

童云邠音礦古猛切周禮有邠人

叅鳧氏鼓鑄之功溢山告祥國用益

瞻吏無並緣以巧法

並蒲浪切

人無怨讟以苦役

童云讟音讀怨也

凡處斯職莫能加焉於江西

佐楊憑

則旁緝傳置

傳林應切驛也

下繩支郡俾無有異政以一於詔條財賦之重待君而

理無何邕州經略使路公恕奏署試大理評事兼貴州

刺史叅帷幕之任董龜虎之威

龜印虎符

夷俗敬愛革面受

事朝廷將以武定南服命安南大校御史中丞趙良金

為邕州復以君兼招討判官錄其異能奏加司直昇招

討副使兼統橫廉貴三州事危葺之下

危莫江切葺如客切亂貌

直

道有立獷悍之內

獷古猛切悍音汗

義威必行賦增而不擾法

一而無憾然以憂慄間於多虞

間音間出左傳哀公五年

卒成耳目

之塞道致齒牙之猾

國晉語齒牙為猾謂讒口之為害

元和五年五月

二十一日疾卒於公館年五十五明年某月日返葬於
潭州某原夫人隴西李氏大理評事練之女年三十三
貞元十六年終於郴州有子四人曰贄曰某贄十三年
矣哀禮具焉京兆尹弘農公京兆尹楊憑弘農人始由湖南為江
西再以君為從事知之最厚痛君之能不施於劇任惜
君之志見屈於羣疑且以誌授宗元使備其闕古者觀
其所使而知在上之德今也觀其所使一本作以而知在下
之誠嗚呼可無辭乎銘曰

曼姓之裔

春秋鄧國曼姓後以國為姓

司徒隆漢

漢鄧禹

惟君是承有

植其幹始屬奉常出叅藩翰議讞西蜀

張云讞語寢魚戰魚列三切並

議罪也

平其狴狴

童云陞岸二音上又邊迷切

巡視南楚總茲條貫貿

遷化居貨殖攸贊改煎鎔範貢輸增筭既飭財賦亦專

傳館

傳直聽切

去牧荒陬

將侯切隅也謂為貴州刺史

肅其聽斷攸數以

息

攸數即奪攘字

暴戾斯逌行非選事進不避難始賴其寧終

聞見憚疾與憂積志隨魄散年極中身葬茲高岸才耶

命耶君子興歎

呂侍御恭墓誌

呂溫之弟

呂氏世居河東至延之始大以御史大夫為浙東道節度大使延之生渭為中書舍人尚書禮部侍郎刺湖南七州生四子溫恭儉讓以溫為尚書郎再贈至右僕射恭字敬叔他名曰宗禮或以為字實惟呂氏宗子尚氣節有勇略不事小謹讀從橫書

從子容切

理陰符握機孫子

之術

周書陰符九篇握機亦兵書名孫子十三篇

曰我師尚父冑也

尚父呂望

大

父洎先人咸統方岳今天下將理平蔡充冀幽洎戎猶

負命蚤夜呼憤以為宜得任爪牙畢力通天子命作文
章咸道其志云又曰由吾兄而上三世世為進士吾為

文不墜教戒獨武事未克續厥緒因棄去從山南西道

節度府

佐節度
嚴礪

掌書記預謀畫不甚合以試守軍衛佐

加協律郎入薦為長安主簿復出以監察御史叅江南

西道都團練軍事

佐韋
丹

府表進殿中侍御史為桂管都

防禦副使元和八年去桂州相國尚書鄭公遮留

鄭網假

嶺南道節度判官至廣州病瘖瘡

童云瘖音
皆與瘡同

加帶

帶音六

月二十八日卒妻裴氏戶部尚書延齡女有丈夫子三人曰爽曰瓌曰特女子三人曰環曰鸞曰倩皆幼行於道而倩又死遂以柩如洛陽祔葬於大墓歎志呂氏世仕至大官皆有道宜興於世溫洎恭名為豪傑知者以為是必立王功活生人不幸溫刺衡州年四十卒恭未及理人年三十七又卒世固有其具而不及其用若溫恭者耶恭貌奇壯有大志信善容物宜壽考碩大而不克呂氏之道惡乎興銘曰

淝淝之風乎不可追

童云淝音馮美哉淝淝乎見左傳襄二十九年一說當作決決齊風

也有志之大乎今安歸呂君去我死乎吾誰依

唐故嶺南經略副使御史馬君墓誌

元和九年月日扶風馬君卒命于守龜祔于先君食

龍

墨也尚書云惟洛食

卜葬明年某月庚寅亦食其孤使來以狀謁

銘宗元刪取其辭曰君凡受署往來桂州嶺南江西荆

南道

來一作事

皆大府凡命官更佐軍衛錄王府事番禺令

童云番禺音潘恩南海郡縣名

江陵戶曹錄府事監察御史皆為顯官

凡佐治由巡官判官至押番舶使經略副使皆所謂右

職凡所嚴事御史中丞良

未詳姓氏

司徒佑

杜佑

嗣曹王臯

李臯

尚書胄

戴胄

尚書伯儀

張伯儀

尚書昌

趙昌

皆賢有勞諸侯其

善事凡管嶺南五府儲峙

嶺南五府嶺南安南桂管容管邕管也時丈里切亦作峙

出卒致穀以謀叶平哥舒晃

大歷八年循州刺史哥舒晃反十年江西觀察使路

嗣恭討

假守州邑

謂為審馬令

民以便安殄火訛殺吏威

殺去

聲

海鹽增筭邦賦大減所至皆用是理年七十不肯仕

曰吾為吏逾四十年卒不見大者今年志慮耗

志一本作至謂

年至七十

終不能以筋力為人羸縮因罷休以經書教子弟

不問外事加七年卒君始以長者重許與聞凡交大官
皆見禮司徒佑嘗以國事徵顧謂君曰願以老母為累
受託奉視優崇至忘其子之去君諱某字某曾祖某某
官祖某某官父某某官嗣子隴西李氏出曰徵由進士
為右衛曹曹早沒次四子皆京兆韋氏出曰倣曰倣曰
敏曰庭女一人嫁柳氏壻曰宗一其銘曰

不懈于位不替于謀慮寢以平

寢口侯切
一本作稅

撫民以蘇偕

火不孽悍吏不牟惟寶于鹽亦贏其籌公以忠施私以義躋既至于年乃靜于懷衣采膳甘子侍孫攜侍一作掖觀經考古教導斯齊克壽克樂嗚呼終哉于陰之原爰位其墓千萬子孫來拜來附

唐故安州刺史兼侍御史貶柳州司馬孟公墓

誌銘 孟常謙

孟氏之孤曰遵慶奉其父命書九篇為善狀一篇來告

曰月日君薨月日將葬于某

月日一本並作日月

敢請刻辭嗚呼

公自假左贊善大夫栢王司馬太常少卿為義成軍中

軍兵馬使其帥魏國公軌為宰相

賈軌

命公左領軍衛將

軍事德宗順宗今上立朝九年加朝議大夫居喪會用

兵于趙起復居故官為左神策行營先鋒兵馬使知牙

而趙兵罷不受祿去金革服喪終期命安州刺史仍加

侍御史安州防遏兵馬使貶柳州司馬公嘗佐魏公平

襄陽靖梁州立義成軍魏公弘大恢奇公能以任軍政

是以又為衛將軍虔恭潔廉動得禮節伐趙之役堅立

堡壘誓死麾下法制明具權力無能移進不避患退不

敗禮安州迫寇攘

近淮西吳元濟境

多戎事政出一切吏以文

持之故貶明年用兵于蔡朝廷諸公洎外諸侯咸以公

為請未及徵氣乘肺溢為水浮膚而卒年六十惟公志

專于中貌嚴于外嘗立廷中毅然望之若圖形刻像聞

國難輒不寢食謀度憤吒

陟駕切

以故病不可治曾祖某

官諱某祖某官諱某父某官諱某公之諱曰常謙子遵

慶弟曰某銘曰

欽定四庫全書

柳河東集注

西

魯仲孫氏其世為孟賁勇光武

賁音奔
古勇士

軻儒紹聖公傳

師法以訓戎政執稽以庸咸致厥命濟濟于朝冕服以

光墨非從利

起復用
墨鑲

終役復喪忠孝孔明君子攸彰昔

者雲中六級下吏

漢魏
尚

公刺于安法亦可議黜伏南荒

豪士歔歔

音希又
音戲

聞難以激去食廢寐神乖氣離支膈

莫遂廷臣進言侯伯拜章帝命將施俄仆于京代山丸

丸植柏與松其名惟何忠孝孟公

故連州員外司馬凌君權厝誌

凌準

年月日尚書都官員外郎和州刺史連州司馬富春凌
君諱準卒于桂陽佛寺先是六月告于州刺史博陵崔
君曰余嘗學黃帝書切脈視病今余肝伏以瀆

張云音
色脈不

滑也

腎浮以代將不臘而死審矣凡余之學孔氏為忠孝

禮信而事固大謬卒不能有示乎世者命也

示又
作立

臣道

無以明乎國子道無以成乎家下之得罪于人以謫徙
醜地上之得罰于天以降彼罪疾余無以禦也敢以鬼
事為累又告為老氏者某曰余生於辰今而寓乎戌辰

戎衝也吾命與脈叶其死矣乎吾罪大懼不克歸柩於
吾鄉是州之南有大岡不食

禮記檀弓上擇不食之地而葬注謂不耕墾

吾

甚樂焉子其以是葬吾及是咸如其言云孤夷仲求仲
以其先人之善余也勤以誌為請嗚呼君字宗一以孝

悌聞于其鄉杭州刺史常召君以訓于下讀書為文章

著漢後春秋二十餘萬言又著六經解圍人文集未就

有謀略尚氣節賙人之急出貨力猶棄粃糲

張云粃音
匕糲旁卦

切與
釋同

年二十以書干丞相丞相以聞試其文日萬言擢

為崇文館校書郎又以金吾兵曹為邠寧節度掌書記

涇之亂

一本涇上有泚字建中四年涇原兵反推朱泚為主

以謀畫佐元戎

佐節度使

遊瓌破賊有功

常有功累加大理評事御史賜緋魚袋換節

度判官轉殿中侍御史府喪

邠寧節度張獻甫卒

罷職後遷侍御

史為浙東廉使判官

佐觀察賈全

撫循罷人

罷音疲

按驗汙吏

吏人敬愛厥績以懋粹然而光聲聞於上召以為翰林

學士德宗崩邇臣議祕三日乃下遺詔君獨抗危辭以

語同列王伾畫其不可者十六七乃以旦日發喪六師

萬姓安其分遂入為尚書

一本下有郎字

仍以文章侍從由本

官叅度支調發出納姦利哀止

利一本作吏

以連累出和州

降連州居母喪不得歸而二弟繼死不食哭泣遂喪其

明以沒蓋君之行事如此其報應如此夫人高氏在越

孤四人南仲殷仲在夫人所未至執友河東柳宗元哀

君有道而不明白於天下離慙逢尤天其生且又同過

謂同貶謫

故哭以為志其辭哀焉銘曰

噫凌君生不淑學孔氏楊芬郁好謀謨富天祿讎禁書

贊推轂觀靈龜獲貞卜徙東越翊明牧罷人蘇汚吏覆

升侍從躬啟沃斥危疑興大福吏尚書徒隸肅佐經邦

財用足道之躋

音致治也

身則辱烏江垂

和州

九疑麓

連州山

仍

禍凶邁茲酷能知命無怨毒罪不泯死猶僂

音戮

何以葬

南嶺曲魂有靈故鄉復封茲壤歸骨肉為之銘志陵谷

故嶺南鹽鐵院李侍御墓誌

天寶中詔李氏由涼武昭王以下

唐高祖七世祖諱翳

皆得籍宗

正故沂州刺史福以姑臧人附屬於寧岐為族曾祖生

樂壽令昱昱生號州司馬叶世以儒聞叶生監察御史

澣字濯纓明兩經仕歷永興臨晉尉會天子方事誅伐

南平蔡

平吳元濟

北復趙

王承宗納德棣二州復一本作服

西走戎

吐蕃

東討

齊魯

伐李師道

五年間兵征卒戍糴行千里凡進用唯財賦

為難君以試大理評事佐荆南兩稅使督天下諸侯之

半調食饒給車繫舟連

一作車擊舟連

又守湘南鹽鐵轉運院

湘一本作湖

以能遷官移嶺南並積功勞以介厲敦勤為率

一無率字

羣吏先年五十三元和十三年月日卒妻廬江何

氏凡五世世鄭出父曰士鏐

一本作鏐

季父曰士幹有大名

君之子二人曰夔曰導女一人曰某夔導皆幼不能事
何夫人哭且戒柩行萬里人咸觀其禮焉葬伊闕用明
年某月日甲子銘曰

涼為帝基克顧厥胤皇弘國牒四邑顯進沂以屬尊世
仕倚儒憲憲濯纓亦用學徒既穀既官式懋爾勞四方
用師卒食之饒致其廉介率是諸侯于荆于交闕石是
鈞邦有休功惟吏之勤冀施于大以盡其有孰司壽夭

君不克久吉日來祔伊闕之墓子嗣孫承有達宜興銘
詔于神永永是徵

柳河東集注卷十

欽定四庫全書

柳河東集注卷十一

宋 童宗說張敦頤潘緯 音釋

誌碣誄

故試大理評事裴君墓誌

裴氏之昭

音韶

曰贈戶部尚書諱某

裴守真

穆曰起居郎諱

某

裴僑卿

生均州刺史諱某

裴叔猷

均州與其弟大理

裴伯言

更為刑部郎用文史名於朝善杜禮書長子曰某射進

士策不中去過汴韓司徒弘

字即弘

迎取為從事以聞拜

太子通事舍人進大理評事當伐蔡及鄆

音運蔡謂吳元濟鄆謂李

師道

汴常為軍首贊佐有勞既事將侍太夫人于京師道

發疽

子余切

元和十四年月日終於河南敦厚里年若干

字曰某弟某以其喪歸葬於某縣某里未果娶有男子
二人女一人男之長曰某通兩經始杖且廬銘曰

世守不遷秀于士鄉不利有司爰客于梁梁委其躬乃
相戎政宮臣理屬

宮臣太子舍人理屬大理評事

仍受國命南蔡北曹

李師道有鄆曹
濮等十一州

五載首兵柔剛輔理平視太平馬牛既

寧告養于京棧車草草

棧仕
諫切

我來周道載飢載勞神奪

其孝形經于洛魂其焉如庶終爾誠陰侍里間膳飲不
違有弟之恭既安且盈厥志斯從銘之故人以慰爾衷

故大理評事柳君墓誌

柳寬

晉之亂柳氏始分

晉侍中柳景猷長子者為汝
南太守少子純為平陽太守

曰耆為

汝南守居河東又五世曰慶相魏魏相之嗣曰旦仕隋

為黃門侍郎其小宗曰楷

柳旦長子則次子楷
以其居次故曰小宗

至于唐

刺濟房蘭廓四州楷生夏縣令府君諱繹繹生司議郎
府君諱遺愛皆葬長安少陵原遺愛生御史府君諱開
葵南陽其嗣曰寬字存諒讀其世書揚于文辭南方之
人多諷其什頗學禮而善為容

前漢儒林傳
徐生善為容

修吏事始

仕家令主簿進左驍衛兵曹試大理評事為嶺南節度
推官荆南永安軍判官府罷為游士出桂陽下廣州中
厲氣嘔泄卒於公館元和六年八月七日也年四十七
前娶琅邪王拱子拱國子祭酒後娶河東裴陵子陵告

成令裴氏之出曰裴七君之從弟以君之喪歸過零陵
哭且告于宗元曰吾伯兄從事嶺南其地多貨其民輕
亂能以簡惠和柔斥弼所奉假守支郡海隅以寧鬪很
仇怨敦諭克順從公于荆綏戎永安仍專郡治政用休
阜是時蜀寇始滅誅劉邦人瘡痍懷君之澤咸忘其痛
其理也惠而不施之於大其行也和而不至于年其言
也文而不顯其聲今將以某月日祔葬苟又不得令辭
而誌焉是無以益前人之大痛敢固以請嗚呼余懼辭

之不令以為神羞余曷敢不諾銘曰

柳族之分在北為高充于史氏世相重侯中書之世實
曰蘭州夏縣政良司議德優營營御史乃佐元侯惟君
是嗣其政克修儲闡補吏環衛分曹南越之庖從事以
寧永安披攘荐仍于兵是董是經既柔且平浩浩呻呼
革為和聲胡不使壽而奪之齡柩于海壖而緣切壙于鄧

邦壙苦謗切鄧州南陽厥弟孔哀惟行之恭呱呱小子綰而不廬

呱音孤緣音盧

充充令妻髻首而居

張云髻側瓜切禮記曰男子免而婦人髻

以麻約髻也

鳥獸號鳴助我踟躕刻此悲辭藏之奧隅

故秘書郎姜君墓誌

姜萼

秘書郎姜萼

童云音巧崖也或作萼

字某開元皇帝外孫也始楚

國公皎與上游益貴幸子慶初得尚某公主生萼萼生
三日上曰他物無以餉吾孫即勅有司以第六品告與
緋衣銀魚得通籍出入凡名是官七十年終不徙然其
間在蜀漢荆楚以大諸侯命守州邑輒以勞稱時缺則
復命好遊嗜音以生貴富畜妓能傳宮中聲賢豪大夫

多與連歡後加老風病手足奇

音畸

右可用不能就官士

有載酒來則出妓搏髀

童云音陸股也

笑戲觀者尚識承平王

孫故態元和十四年月日終桂州都督御史中丞裴公

曰噫帝戚也葬不可以庶為具物祭以豚酒月日葬州

東南一里子某年若干母曰雷姬銘曰

始賤終貴於世為遂幼榮老窮在物為凶均之得喪誰

缺誰豐若君者銀朱於始生鐘鼎以及壯不矍矍於進

取

矍矍居縛切

不施施於驕抗左絃右壺樂以自放雖老而客

死未嘗戚乎已與夫拳拳恐悖

其季切
心動也

蒙謫負義得之

拘拘榮不蓋愧以終其身而不能止者不猶優乎

亡友故秘書省校書郎獨孤君墓碣

獨孤申叔

嗚呼有唐仁人獨孤君之墓祔于其父太子舍人諱助之墓之後自其祖贈太子少保諱問俗而上其墓皆在灞水之左今王父營陵於其側故再世在此嗚呼獨孤君之道和而純其用端而明內之為孝外之為仁默而智言而信其窮也不憂其樂也不淫讀書推孔子之道

必求諸其中其為文深而厚尤慕古雅善賦頌其要咸
歸于道昔孔子之世有顏回者能得於孔子後之仰其
賢者譬之如日月而莫有議者焉嗚呼獨孤君之明且
仁如遭孔子是有兩顏氏也今之世有知其然者其信
於天下乎

一本作今之世有知其然者
乎知之者其信於天下乎

使夫人也天而

不嗣世之惑者猶曰尚有一天道噫乎甚邪

噫一本作嘻

君諱

申叔字子重年二十二舉進士又二年用博學宏辭為

校書郎又三年居父喪未練而沒

禮記注練
小祥也

蓋貞元十

八年四月五日也是年七月十日而葬鄉曰某鄉原曰
某原嗚呼君短命行道之日未久故其道信於其友而
未信於天下今記其知君者于墓韓泰安平南陽人李
行諤元固其弟行敏中明趙郡贊皇人柳宗元河東解
人崔廣略清河人韓愈退之昌黎人王涯廣津太原人
呂溫叔東平人崔羣敦詩清河人劉禹錫夢得中山
人李景儉致用隴西人嚴休復玄錫馮翊人韋辭致用
京兆杜陵人

故襄陽丞趙君墓誌

趙公矜

貞元十八年月日天水趙公矜年四十二客死于柳州
官為歛葬于城北之野元和十三年孤來章始壯自襄
州徒行求其葬不得徵書而名其人皆死無能知者來
章日哭于野凡十九日唯人事之窮則庶於卜筮五月

甲辰卜秦詡

童云直廉切言利美也又人名見廣韻

兆之曰金食其墨而

火以貴其墓直丑在道之右南有貴神冢土是守乙巳
于野宜遇西人深目而髯

如占切
頰鬚也

其得實因七日發之

乃觀其神明日求諸野有叟荷杖而東者問之曰是故

趙承兒耶吾為曹信

信一本作於是

是邇吾墓噫今則夷矣直

社之北二百舉武

武步迹也

吾為子絕焉

張云絕祖悅切束茅表位叔孫通傳

辛亥啟土有木焉發之緋衣緇衾

童云緇將侯切青赤色

凡自家

之物皆在州之人皆為出涕誠來章之孝神付是叟以

與龜偶不然其協焉如此哉六月某日就道月日葬于

汝州龍城縣期城之原夫人河南源氏先沒而祔之矜

之父曰漸南鄭尉祖曰倩之鄆州司馬魯祖曰弘安

即弘

弘字金紫光祿大夫國子祭酒始於由明經為舞陽主簿

蔡帥反

吳少誠反

犯難來歸擢授襄城主簿賜緋魚袋後為

襄陽丞其墓自魯祖以下皆族以位時宗元刺柳用相其事哀而旌之以銘銘曰

訓也挈之信也絕之有朱其絃神具列之懇懇來章神實恫汝

童云恫音通痛也

錫之老叟告以兆語靈其鼓舞從而

父祖孝斯有終宜福是與百越綦綦羈鬼相望

音忘羈鬼謂羈

旅而亡者

有子而孝獨歸故鄉涕盈其銘旌爾勿忘

晏元獻本訓作

利

故溫縣主簿韓君墓誌

韓慎

有唐故溫縣主簿韓慎字某漢弓高侯其先也

前漢韓王信子

名類當景帝封為弓高侯

徙于南陽傳世至今唐侍中諱瑗克用貞

亮奮于國難侍中兄子郢州刺史諱某某生御史著作

郎諱某某生尚書庫部郎中萬州刺史諱某嗣以文行

大其家業君萬州長子也以父仕為建陵挽郎累調授

王府叅軍襄州襄陽尉至于是邑貞元十六年又調于

天官署河陽丞未拜十有一日暴病卒于長安永崇里
先人之廬又十有一日龜策襲吉祔于咸陽洪瀆原先
人之墓禮也先三日外姻家老謀為之志季弟泰哀不
能文故託于友焉嗚呼生也以其弟之恭知君之為友
沒也以其弟之感知君之為愛惟友愛出于孝移于忠
施于人事無往不達余故得受其辭書于石曰

友而愛而忠孝宜之貌稱其行行稱其辭賤而不壽為
善是悼祔于祖考初筮攸告季也之純寘哀無垠終窆

且貧

窶郡羽切

控于仁人備物稱家其儀式陳爰相其悲載

刻茲珉

東明張先生墓誌

張因

東明先生張氏曰因嘗有以文薦於天子天子策試甚高以為長安尉一年投去印綬願為黃老術詔許之居東明觀三十餘年受畢法道行峻異得衆真秘書訣錄聚經籍圖史侔於麟閣以弟回降秩封州先生曰吾老矣支體不可解也遂從以去明年回之子襲死哭之慟

遂病既亟以命回曰吾生天寶訖貞元乙酉歲十月令
死于汝之手盈吾志矣京師吾生也畢原先人之歸也
必以返葬乃自為誌而卒明年正月某日葬如其言弟
子某等為碑以誌于墓辭曰

匪祿而康匪爵而榮漠焉以虛充焉以盈言而不為華
光而不為名介潔而周流苞涵而清寧幽觀其形與化

相冥

相一本
作為

寂寞以成其道是以勿嬰世皆狂狂奔利

死名我獨浩浩端一以生或曰先生友弟以遁慈幼以

死若不能忘情者何耶吾曰道去友耶去慈耶從容以

求其得之耶盪莽很悻

童云下頂切恨也

道之非耶且夫虧恩

壞禮枯槁顛顛

童云音悻悻

墮聖圖壽離中就異歛然與神

鬼為偶

張云歛許勿呼臭二切

頑然以木石為類倥侗而不實窮

老而無死先生之道固知異夫如此也乃書于石以紀

虞鳴鶴誄

并序

維某年月日前進士虞九臯字鳴鶴終于長安親仁里
既克葬于高陽原二三友生皆至于墓哀其行之不昭

于世追列遺懿求諸后土申薦嘉名實曰恭甫乃作誄

曰

吳虞之分爰宅上陽其後優游在越為鄉

虞氏世為會稽人

延

詡輔漢恢定封疆東徙之賢時惟仲翔

虞翻字仲翔

曰預曰

喜在晉克彰義篤斯文有苾其芳秘書多能垂耀于唐

虞世南為秘書少監

洎于漢陽世德以昌

漢陽沔州父當沔州刺史

毗贊尚父

上聲尚父郭子儀也

休徽用揚惟我先君

子厚父鎮為子儀記室

虞當為子儀從事

並時翺翔洽主記室蔚其耀光實契伯仲永永不忘漢

陽元子實紹其美傳襲儒風彪炳文史克恭以孝惟禮
是履譽洽于鄉論為秀士百郡之選叢于京師昧沒騰
藉乘凌蔽欺生之始至則奮其儀退默以謙

默一本
作然人

悅而隨名卿是挈先進咸推方出群類振耀于時禍丁
舅氏漂淪海沂捧訃號呼匍匐增悲喪有幼主禮或多
遺孰徇于名而不是思投袂就道乘艱若夷竭誠喪具
申敬裳帷萬里來復祇紉于墓遽不凌節儉而有度由
其溫恭守以貞固行道咨嗟觀禮興慕復從鄉賦煥發

其華克不再舉聞于邦家倚閭千里歡咏斯多姻族盈
門載笑且歌君之不淑名立志沮慶歸其鄉身終逆旅
生死已閒壽觴方舉賀書在途委骨歸土哀歡易地弔

慶交戶神胡不仁降此大苦嗚呼哀哉惟昔夏首

柳鎮為岳

鄂都團練判官
虞當刺沔州

羈貫相親

貫與州同總角也穀
梁云子生羈貫成童

通家修

好講道為鄰既冠于祚思致其身升于司徒及爾繼年

交歡二紀莫間斯言愉乎其和確爾其堅更為砥礪咸

去韋弦

西門豹性剛急常佩韋以自緩
董安于性寬緩常佩弦以自急

今則遽曰吾其

缺然嗚呼哀哉謀行謀諡惟古之道生而無位沒有其

號惟是友生徘徊顧悼爰用壹惠

記表記先王諡以尊名節以壹惠注聲譽

雖多以其有一大善者為諡耳

幽明是告溫溫其恭惟德之經先民有

作今也是旌嗚呼恭甫欽此嘉名

故處士裴君墓誌

河東聞喜裴君

聞喜縣名屬絳州

諱某字某好學未仕年若干

元和十四年月日終于京兆渭南墅

承與切田廬

君之弟中

丞公督桂州

裴行立

命其僚柳宗元以銘君之出河間邢

羣以來告曰曾祖諱某

裴伯真

寧州刺史贈戶部尚書祖

諱某

裴橋卿

起居郎父諱某

裴伯言

尚書刑部員外郎議官

及浮圖事獨出載在史冊以八使行天下當河北道疑

危頑很難處分之地

分扶問切一本無分字

用天子命制斷得宜

於是為第一天下皆仰以為相會疾終再贈至大理卿

長老咸曰裴氏世積德起居丞相弟也

丞相裴耀卿

以文史

用大理名世人也咸聞而不大君以友悌慈植承其休

光幽而不揚宣天鍾美於中丞

鍾聚也左傳昭公二十八年而天鍾美於是

嗇而不克並耶不然君無位以天其可問哉君前娶韋氏成都少尹士謨女生二子字曰某名曰某以文敏中丞公尤愛幸恒從不幸卒於桂林某舉明經後娶於薛氏無子父家位卑是年月日葬渭南某里遷韋夫人之

喪

韋一本
作奉

自萬年來有俟猶異室

詩大
車云

銘曰

疇之沃沃宜其嘉穀有耕有耨同施異祿明昭次穆

昭音

韶丞相之族尚書之孫大理之門有慶實延宜碩而繁

不位不年晦于丘園懿懿大理惟德之元權佞抑釋大

史是論

大即
太字

黜陟冀幽邦命以尊神畝豐福不棄于君

渭之洋洋爰墓其南孝思是懷祖孝之依郡人作銘惟

相其哀

一作不
并于君

覃季子墓銘

覃季子其人生愛書貧甚尤介特不苟受施

施智
切

讀經

傳言其說數家推太史公班固書下到今橫豎鈎貫又

且數十家通為書號覃子史纂又取鬻老管莊子思晏

孟下到今其術自儒墨名法至于狗彘草木凡有益於

世者為子纂又百有若干家篤於聞不以仕為事黜陟
使取其書以氏名聞除太子校書某年月日死永州祁
陽縣某鄉將死歎曰寧有聞而窮乎將無聞而豐乎寧
介而躋乎躋音致路也將溷而遂乎溷胡困切葬其鄉所死之鄉後若
千年柳先生來永州戚其文不大於世求其墓以石銘
銘曰

困其獨豐其辱

續滎澤尉周君墓誌

前誌贈太傅

崔公祐甫辭

太傅公既志榮澤君之葬明年為中書侍郎同中書門

下平章事以卒

一云卒贈太傅無以字

榮澤君之嗣曰膺備物具

貨入于汴汴陷于戎

李希烈陷汴州

喪焉不果行會世難不幸

膺亦死膺之亞

弟也

曰太素仕至雲陽令求其志將行謫

南海上元和九年移信州中

一本無州字一本無中字

猶有累不克

如其鄉大懼緩慢茲久哭命其子某以某月日啟君之

喪至于某葬用某月甲子志用太傅公之辭又命河東

柳某書緩故且志終事之年月日

柳河東集注卷十一

欽定四庫全書

柳河東集注卷十二

宋 童宗說張敦頤潘緯 音釋

墓表誌

先侍御史府君神道表

嗚呼先君之墓仲父殿中君誌焉孤宗元不敢稱道先德然而無以昭于外者用敢悉取仲父之所陳而繁其

辭繁一本作繁刻茲石表先君諱鎮字某六代祖諱慶後魏

侍中平齊公五代祖諱旦周中書侍郎濟陰公高祖諱

楷隋刺齊房蘭廓四州曾伯祖諱爽

施隻切

字子燕唐中

書令曾祖諱子夏徐州長史祖諱從裕滄州清池令皇

考諱察躬湖州德清令世德廉孝颺于河許

童云颺音陽又餘亮

切士之稱家風者歸焉先君之道得詩之羣書之政易

之直方大春秋之懲勸以植于內而文于外垂聲當時

天寶末經術高第遇亂奉德清君夫人載家書隱王屋

山間行以求食

間去聲

深處以修業作避暑賦合羣從弟

子姓

一本作姪按前漢田蚡傳跪起如講春秋左氏易子姓注姓生也同子禮若己所生講春秋左氏易

王氏

王弼所注易

衍衍無倦以忘其憂德清君喜曰茲謂遯

世無悶矣亂有間

去聲稍息也

舉族如吳無以為食先君獨

乘驢無僮御以出求仁者冀以給食嘗經山澗水卒至

卒與粹同

流抵大壑得以無苦被濡塗以行無愠容觀者哀

悼而致禮加焉季王父六合君忤貴臣

童云忤音誤逆也

死於

吏舍猶鞠其狀先君改服徒行逾四千里告于上由是貸其問既而以為天子平大難發大號且致太平人罹

兵戎農去耒耜宜以時興太學勸耦耕作三老五更議籍田書齋沐以獻道不果用授左衛率府兵曹叅軍尚

父汾陽王

郭子儀

居朔方備禮延望授左金吾衛倉曹叅

軍為節度推官專掌書奏進大理評事以為刑法者軍

旅之楨榦

楨音貞

斥候者邊鄙之視聽不可以不具作晉

文公三罪議

左傳晉文公殺顓頊祁驕舟之僞三人君子謂文公能用刑矣三罪而民服

守

邊論議事確直勢不能容表為晉州錄事叅軍晉之守故將也少文而悍酣嗜殺戮吏莫敢與之爭先君獨抗

以理無辜將死常以身扞笞箠拒不受命守大怒投几折箠而無以奪焉以為自下繩上其勢將殆作泉竭木摧詩終秉直以免於恥調長安主簿居德清君之喪哀有過而禮不逾為士者咸服服既除常吏部命為太常

博士

常袞為吏部

先君固曰有尊老孤弱在吳願為宣城令

三辭而後獲徙為宣城四年作閩鄉令

張云閩音聞又音民珉弘農鄉

名潘云唐隸虢州

考績皆最吏人懷思立石頌德遷殿中侍御

史為鄂岳沔都團練判官元戎大攘狡虜增地進律作

夏口破虜頌後數年登朝為真會宰相與憲府比周誣

陷正士以校私讐

貞元四年陝號觀察使盧岳卒岳妻分貲不及妾子妾訴之中丞盧紹欲

重妾罪侍御史穆贊不聽伯與竇參共誣贊受金捕送獄

有擊登聞鼓以聞于上

命先君總三司以聽理

同上詔殿中侍御史柳鎮與刑部員外郎李觀大理卿楊瑀為

三司覆治無之

至則平反之

反音翻

為相者不敢恃威以濟欲

實參

為長者不敢懷私以請間

音閑謂盧紹為御史之長

群冤獲宥邪黨

側目封章密獻歸命天子遂莫敢言逾年卒中以他事

中他仲切謂終為所譖

貶夔州司馬作鷹鷂詩居三年醜類就殛

紀力切貞元八年
竇參得罪

拜侍御史制書曰守正為心疾惡不懼

先君捧以流涕曰吾惟一子愛甚方謫去至藍田訣曰
吾目無涕今而不知衣之濡也抑有當我哉作喜霽之
歌副職持憲以正經紀貞元九年宗元得進士第上問
有司曰得無以朝士子冒進者乎有司以聞上曰是故
抗奸臣竇參者耶吾知其不為子求舉矣是歲五月十
七日終于親仁里第享年五十五七月某日葬于萬年
縣栖鳳原後十一年宗元由御史為尚書郎天子行慶

于下申命崇贈而有司草創頗緩會宗元得罪遂寢不行太夫人范陽盧氏某官某之女實有全德為九族宗師用柔明勤儉以行其志用圖史箴誠以施其教故二女之歸他姓咸為表式太夫人既受封河東縣太君會冊太上皇后于興慶宮既乃宗元貶秩為永州司馬奉侍溫清未嘗見憂元和元年五月十五日終于州之佛寺享年六十八嗚呼宗元不謹先君之教以陷大禍幸而緩于死既不克成先君之寵贈又無以寧太夫人之

飲食天殛薦酷名在刑書不得手開玄堂以奉安祔罪惡益大世無所容尚顧嗣續不敢即死支綴氣息以嚴邦刑大懼祭祀之無主以忝盛德敢用特牲昭告神道號叫萬里以畢其辭云

先君石表陰先友記

袁高河南人以給事中敢諫爭貞直忠塞舉無與比能使所居官大再贈至禮部尚書

姜公輔為內學士以奇策取相位好諫諍免後以罪貶

卷十二
為復州刺史卒

齊映南陽人為相以文敏顯用

嚴郢河南人剛厲好殺號忠能為京兆河南尹御史大夫善舉職為邪險搆扇以貶死

元全柔河南人氣象甚偉好以德報怨恢然者也為大官有土地入為太子賓客

杜黃裳京兆人弘大人也善言體要為相有牆仞不佞以謀克蜀加司空出為河中節度

劉公濟河間人厚寬碩大與物無忤

音悟逆也

為渭北節度

入為工部尚書卒

楊氏兄弟者弘農人皆孝友有文章

憑由江南西道入為散騎常侍

凝以兵部郎中卒

凌以大理評事卒最善文

穆氏兄弟者河南人皆強毅仁孝

贊為御史中丞捍佞倖得貶後至宣池歛處置使卒

質為尚書郎以侍御史內供奉卒最善文

皇甫政河南人有威儀由浙東廉使為太子賓客

裴樞同郡人為御史天子以隱罪誅吏樞頓首願白其

狀以故貶後為尚書郎

李舟隴西人有文學俊辯高志氣以尚書郎使危疑反

側者再不辱命其道大顯被讒妬出為刺史廢痼卒

廢一本

作發

李鄴江夏人果檢自負嶷然善為官為御史中丞京兆

尹鳳翔節度

梁肅安定人最能為文

一本最字下有號字

以補闕脩史侍皇太

子卒贈禮部郎中

陳京泗上人始為諫官數諫諍有內行文多詁訓為給

事中上方以為相會惑疾自歿廢廝卒

廢一本作發

韓會昌黎人善清言有文章名最高然以故多謗至起

居郎貶官卒弟愈文益奇

許孟容吳人讀書為文口辯為給事中嘗論事由太常

少卿為刑部侍郎

李覲隴西人行義甚脩至刑部郎中卒故與先君為三司者也其大理者曰楊瑀瑀無可言猶以獄直為御

史

注見前
神道表

宇文邈河南人有文謹慈人也為御史中丞齷齪自守然以直免官復為刺史卒

袁滋陳郡人善篆書文敏不競為相出使辱命貶刺史復為義成軍節度卒

盧羣范陽人雜博多所許與使反側之地

吳少誠擅決
司洧水溉田

命羣往詰之
少誠聽命

天子以為任事為義成軍節度卒

崔損清河人畏慎為相無所發明然不害物天子獨愛
幸以損為長者

鄭餘慶滎陽人再為相始天下皆以為長者及為大官
名益少今為尚書河南尹無恙

鄭利用餘慶從父兄也真長者由大理少卿為御史中
丞復由中丞為大理少卿

李益隴西姑臧人風流有文辭少有僻疾

益多猜忌防閑妻妾過為

苛酷而有散戾偏戶之譚時人謂之妬癡

以故不得用年老常望仕非其

志復為尚書郎

王紆其弟紹太原人紹得幸德宗為尚書在宰相之右

今為徐泗節度紆有學術魯直

魯愚純也

為尚書郎

路泌河南人以尚書郎使西戎留戎中度今以年八十

餘既和戎十五年不得歸無為言者

虞當會稽人為郭尚父從事終沔州刺史以信聞

賈弇

古函切

長樂人善士也為校書郎卒弟全至御史

中丞

趙需天水人皞皞

童云字當作皞况羽切商之冠名禮記檀弓下篇曰殷人皞而祭於趙需

儒士無意義今按柳文段太尉逸事狀云太尉為人姁姁常抵首拱手姁火羽切事出呂氏春秋云皞皞然相樂也今云趙需皞皞儒士也宜當作皞雖諸韵云冠名恐亦自有訓和姁樂易義

儒士也

有名至兵部郎中卒

張式南陽人

張莒常山人

張惟儉宣城當塗人皆善言譔式至河南尹莒鄆州刺史惟儉和州刺史

奚陟江都人柔敏至吏部侍郎世謂陟善宦然其智足自處也

盧景亮涿人有志義多所激發為諫官奏書如水赴壑坐貶廢棄甚久至順宗時為尚書郎升中書舍人卒楊於陵弘農人善吏敏秀者也為中書舍人京兆尹

張因某人舉詔策為長安尉願去官為道士甚有名以

其弟回降封州曰吾老矣必死回也哭而行遂死封
州

高郢渤海人有文章規矩自立者不干貴幸以太常為
相罷居尚書

唐次北海人有文章學行義甚高以尚書郎出為刺史
屏棄永貞中召以為中書舍人道病去長安七十里
死傳舍

苗拯上黨人有學術峭直以諫議大夫漏泄省中語貶

萬州卒

柳氏兄弟者先君族兄弟也最大并字百存為文學至御史病替遂廢次中庸中行皆名有文咸為官早死柳登柳冕者族子也自其父芳善文史與冕並居集賢書府冕文學益健頗躁自吏部郎中出為刺史至福建廉使卒登晚仕至尚書郎祕書少監

薛丹同郡人至尚書郎

呂牧東平人由尚書郎刺澤州卒

崔稹清河人至檢校郎官子羣為右補闕贈給事中

贈父

房啟河南人善清言由萬年令為容州經略

于申河南人至尚書郎

常仲孺河南人今為諫議大夫

蘇弁武功人好聚書至三萬卷與先君通書以戶部侍

郎貶復為刺史

崔芄

蒲紅切

博陵人善言名理為御史尚書郎

鄭元均滎陽人強抗少所推讓然以此多怨困不得位

一本位

作仕

辛憚隴西人有史學

韓衡昌黎人善士

陳衆甫梓潼人高志氣

薛伯高同郡人好讀書號為長者後至尚書卒

張宣力清河人儒善後表其名去力但為宣自元均至

宣力皆沒沒無顯仕者

孤宗元曰先君之所與友凡天下善士舉集焉信讓而

大顯道博而無雜今之世言交者以為端敢悉書所尤
厚者附茲石以銘于背如右

東坡云柳子厚記其先友六十七人於其墓碑之陰

考之於傳卓然知名者蓋二十人邵太史云子厚欲著其父雖不顯所交游皆天下善士列其姓名官爵因附見其所長可也反從而譏病之何也

故殿中侍御史柳公墓表

為會葬人作

唐貞元十二年二月庚寅葬我殿中侍御史河東柳公
於萬年縣之少陵原公諱某字某邑居於虞鄉魯王父
某官王父某官皇考某官奕世餘慶叢而未稔濟德流

祉其後宜大秀而不實為善者感嗚呼哀哉惟公敦柔
峻清恪慎端莊進止威儀動有恒常英風超倫孤厲貞
方居室孝悌與人信讓當職強毅游刃立斷自少耽學
頗工為文既窮日力又繼以夜鄉里推擇敦迫上道乃
與計偕來游京師觀藝靈臺貢文有司射策合程遂冠
首科休有令問羣士羨慕居數年授河南府文學教勵
生徒選擇貢士

選一本作撰音
息轉切擇也

儒黨相賀庶人觀禮秩

滿渭北節度延為叅佐總齊軍政甚獲能稱加太常寺

協律郎既喪主帥罷歸私室方將脫遺紛埃退與道俱

冲漠保神優柔肆儒四方聞風交馳鵠書載筆乘軺

童云

音洮使者所乘又曰小車

乃作叅謀出入朔方陪佐戎車遷大理評

事又加章綬朱裳銀印宗黨有耀權略密勿潛機埋照

完彼亭堡時其講教實從我謀隣國是做改度支判官

轉大理司直出納府庫頒給軍食下無讐歛

力驗切

黔首

休息月校歲會

古外切

莫不如畫庫豐財羨

張云延面切餘也

制

成計得又遷殿中侍御史度支營田副使分閭之寄叅

制其半柔以仁撫剛以義斷戎臣坐嘯公堂無事朝廷

延首方待以位既而祿不及伐水

伐擊也禮記大學伐水之家謂卿大夫喪

祭得用

政不獲專達

周禮天官小事則專達謂得自上奏章

以其年正月

九日遇疾終于私館享年五十嗚呼痛哉奔驥騁力中

塗踈足

踈鳥卧於阮二切足跌也

高鴻輕舉在雲墜翼凡我所知哀

慟無極本道節度尚書朗寧王張公

張獻甫

震悼涕慕不

任于懷臨遣牙將試殿中監李輔忠監備凶禮賙賻甚

厚

童云賙撫鳳切贈死曰賙賻符遇切助也

行軍司馬侍御史韋重規等匍

匐救助事用無闕丹旆素車歸于上京撰期定宅

撰息轉切

潘云須究切選擇也

莫有愆素

左傳云不愆於素

故友諸生宗人外姻號

慟會葬哀禮咸申克窆玄堂

窆悲驗切
葬下棺也

掩坎廣輪

禮記檀弓

廣輪掩壙其高可隱也廣古曠切輪從也从子容切

顧盼無依徘徊增哀願勒休

聲延垂後賢於是汝南周公巢等相與琢石書德用圖

不朽文曰

抱元淳稟粹和既強毅又柔嘉登儀曹耀文章司學徒

儒風揚自渭北佐朔方

佐一本作來

戎政閑默首康冠惠文

柱後惠文法吏之冠謂為御史

垂衣裳才不施天茫茫刊樂石

石可作磬者

篆遺德

一本作芳

延休烈垂憲則於萬年長無極

故叔父殿中侍御史府君墓版

柳氏之先自黃帝及周魯其著者無駭以字為展氏禽
以食采為柳姓厥後昌大世家河東嗚呼公諱某字某
曾王父朝請大夫徐州長史諱子夏遺貞白之操表儀
宗門王父朝請大夫滄州清池令諱從裕垂博裕之道
啟佑後肩皇考湖州德清令諱察躬弘孝悌之德振揚

家聲惟公端莊無諂徽柔有裕峻而能容介而能羣其

在閨門也動合大和皆由順正愷悌雍睦莫有間言

間去

聲

故宗黨歌之其在公門也釋田措枉

田邪也是札器篇

造次

秉直事不失當舉無秕政

秕音庇見國語

故官府誦之用冲退

徑盡之志以弘正友道信稱於外焉用柔和博愛之道

以視遇孤弱仁著於內焉此公修己之大經也自進士

登高第調受河南府文學秩滿渭北節度使論惟明辟

為從事受太常寺協律郎元戎即世罷職家食無何朔

方節度使張獻甫辟署參謀受大理評事賜緋魚袋改
度支判官轉大理司直遷殿中侍御史加度支營田副
使此公從政之大略也既佐戎事實司中府匪頌有制

周禮匪頌
注匪分也

會計明白嗚呼分閭委政繫公而成務朝右

虛位侍公而周事宗門期公而光大姻黨仰公而振耀

貞元十二年歲在景子

唐諱丙字
以景字代

正月九日壬寅遇暴

疾終于私館享年五十痛矣夫人吳郡陸氏洎仲弟綜
季弟續冢姪某等抱孤即位牽率備禮祇奉裳帷歸于

京師以某年二月二十八日庚寅安厝於萬年縣之少

陵原禮也公有男一人始六年矣在髻知孝

髻音迨小兒垂髮

呱呱涕洟凡我宗戚撫視增慟嗚呼哀哉初公元兄

子即

厚之

以純深之行端直之德名聞於天下官至侍御史

持斧登朝憲章肅清常以先公之神未克遷祔不正席

不甘味及撰日定期而昊天不弔志奪禮廢

貞元九年鎮卒

公

實敬承遺志行有日矣而閔凶荐及不克終事則我宗

族之痛恨其有既乎

既盡也

惟公盡敬於孝養致毀於居

憂表正宗姓觀示他族故宗人咸曰孝如方輿公

八世祖方

輿公諱僧習

以孝德聞

修辭以藻德振文而導志以為理化之始

莫尊乎堯作堯祠頌以為述德之作不忘於祖作始祖

碑以為紀廣大之志叙正直之節不嫌於親作元兄侍

御史府君墓誌其餘諷詠比興皆合于古故宗人咸曰

文如吳興守

吳興守柳惲以文章顯

當官貞固確乎不拔持議端

方直而不苛故宗人咸曰正如衛太史

太史柳莊事見檀弓

率性

廉介懷貞抱潔嗣家風之清白紹遺訓於儒素故宗人

咸曰清如魯士師

士師諱禽柳下惠也

兼備四德具體而微公之

謂矣小子常以無兄弟移其睦於朋友少孤移其孝於

叔父天將窮我而奪其志故罔極之痛仍集焉朴魯甚

駭

語駭切

不能文字敢用書宗人之辭以致其直故質而

俚輟哭紀事哀不能文故叙而終焉

故弘農令柳府君墳前石表辭

少陵原柳氏之大墓唐貞元十九年某月日孤某奉其
先府君洎夫人之喪祔于其位由新墓而南若干步曰

高祖王父蘭州府君諱某字某之墓又東若干步曰魯
祖王父邠州府君諱某之墓西若干步曰祖某王父司
議郎府君諱某之墓咸異兆而相望昭穆之有位序壤
樹之有豐殺

所介切減也壤樹出
檀弓篇謂封壤種樹

皆如律令府君諱某

字某由父任為太廟齋郎更許昌陽武伊闕華原尉王
屋丞汝陰令為弘農二年推其誠心裕于其人闢土生
穀若有天相之道衣食給足故人不札夭

上聲札
病也

教厲

明具故俗不爭奪遂以洽于大和事理克彰刺史盧杞

加禮褒旌考績絕尤推君之政風于下邑命為吏部尚書郎庾河南受命黜陟狀君理績殊異宜升天朝帝有歎焉方圖優昇命用不長年五十五建中二年某月日卒于官以其素廉家之蓄不足以充凶事遂殯于是邑仍會危難至于今乃克返葬孤某嘗為黔州錄事參軍今無祿仕而志不敢緩初公娶司農少卿京兆韋山之孫涇陽主簿迴智之女德容溫良大厯二年某月日卒于越而假葬焉孤某徒行自越舉夫人之喪至于號舉

欽定四庫全書

柳河東集注
卷十二

六

弘農君之喪咸至于墓窆焉

窆音破 悲驗
切 葬下棺

既窆立石表

于墳前示後之人以無忘孝敬嗚呼世有難仕于外而

葬其族者希矣孝子之心有待駟馬五鼎而卒不至者

焉若今之殺衣黜食

殺所介切

寒妻子飢僕御終身由之而

志益不懈為旅人徒跣萬里

跣蘇典切

以厄困終事孝之難

者歟五十而慕者舜也祿千鍾而悲者曾子也聖且賢

難之若是今之人有由其道者得不立於世乎

志從父弟宗直殯

從父弟宗直生剛健好氣自字曰正夫聞人善立以為

已師聞惡若已讎見佞色諂笑者不忍與坐語善操觚

牘

觚音孤竹簡
牘音讀木板

得師法甚備融液屈折奇峭博麗知之

者以為工作文辭淡泊尚古謹聲律切事類謨漢書文

章為四十卷

童云謨雖總雖免
二切迷也通作撰

歌謠言議纖悉備具連

累貫統好文者以為功讀書不廢蚤夜以專故得上氣

病臚脹奔逆

張云臚凌如切音閭皮也一曰轉也
脹知亮切腹大也廣韻注腹前曰臚

每作

害寢食難俯仰時少閒又執業以興呻痛咏言雜莫能

知兄宗元得謗於朝力能累兄弟為進士凡業成十一年年三十三不舉藝並工病並牢元和十年宗元始得召為柳州刺史七月南來從余道加瘡寒數日良已又

從謁雨雷塘神所

柳州有山兩崖雷水出焉蓄崖中曰雷塘能出雲雨變見有光昌黎集有

雷塘祭雨文

還戲靈泉上洋洋而歸

而一本作也絕句

卧至旦呼之

無聞就視形神離矣嗚呼天實析余之形殘余之生使是子也能無成是月二十四日出殯城西北若干尺死七日矣俟吾歸與之俱志其殯

柳河東集注卷十二

欽定四庫全書

柳河東集注卷十三

宋 童宗說張敦頤潘緯 音釋

墓誌

先太夫人河東縣太君歸祔誌

先夫人姓盧氏諱某世家涿郡

涿音卓

壽止六十有八元

和元年歲次丙戌五月十五日棄代于永州零陵佛寺
明年某月日安祔于京兆萬年棲鳳原先侍御史府君

之墓其孤有罪銜哀待刑不得歸奉喪事以盡其志姪

洎太夫人兄之子弘禮承事焉嗚呼天乎太夫人有子

不令而陷于大僂

童云音戮
又力救切

徙播癘土醫巫藥膳之不

具以速夭禍非天降之酷將不幸而有惡子以及是也

又今無適主以葬

適音的

天地有窮此冤無窮既舉葬紉

張云紉直忍切索也與
紉同周禮封人置其紉

猶以不孝之辭

孝一本
作自

擬述元

德且志其酷焉嘗逮事伯舅聞其稱太夫人之行以教

曰汝宜知之七歲通毛詩及劉氏列女傳斟酌而行不

隆其旨汝宗大家也既事舅姑周睦姻族柳氏之孝仁
益聞歲惡少食不自足而飽孤幼是良難也又嘗侍先
君有聞如舅氏之謂且曰吾所讀舊史及諸子書夫人
聞而盡知之無遺者某始四歲居京城西田廬中先君
在吳家無書太夫人教古賦十四首皆諷傳之以詩禮
圖史及剪製縷結授諸女及長皆為名婦先君之仕也
伯母叔母姑姊妹子姪雖遠在數千里之外必奉迎以
來太夫人之承之也尊已者敬之如臣事君下已者慈

之如母畜子敵已者友之如兄弟無不得志者也諸姑之有歸必廢寢食禮既備嘗有勞疾先君將改葬王父母太夫人泣以莅事事既具而大故及焉

謂父鎮卒

不得成

禮既得命於朝祇奉教曰汝忘大事乎吾冢婦也

冢謂居長

出禮記

今也宜老而唯是則不敢暇抑將任焉苟有日吾

其行也及命為邵州又喜曰吾願得矣竟不至官而及於罪是歲之初天子加恩群臣以宗元任御史尚書郎封太夫人河東縣太君八月會冊太上皇后于興慶宮

禮無違者既至永州又奉教曰汝唯不恭憲度既獲戾
矣今將大儆于後以蓋前惡敬懼而已苟能是吾何恨
哉明者不悼往事吾未嘗有戚戚也而卒以無孝道不
能有報焉喪主子婦七歲而不果娶竄窮微

童云吉吊切境也

人多疾殃炎暑熇蒸

童云熇呼木黑各二切火熱也

其下界濕非所以

養也診視無所問藥石無求禱祠無所實蒼黃叫呼遂
遘大罰天乎神乎其忍是乎而獨生者誰也為禍為逆
又頑狠而不得死逾月逾時以至于今靈車遠去而身

獨止玄堂暫開而目不見孤囚窮繫魄逝心壞蒼天蒼
天有如是耶有如是耶而猶言猶食者何如人耶已矣
窮天下之聲無以舒其哀矣盡天下之辭無以傳其酷
矣刻之堅石措之幽陰終天而止矣

伯祖妣趙郡李夫人墓誌銘

夫人姓李氏辯族氏者曰趙郡贊皇之東祖

贊皇縣名屬趙州晉

李楷徙居常山有五子散居巷東為東祖恭與敬為西祖輯與晃稱南祖

祖某為某官父冲

為單父尉夫人生於良族巍然殊異及笄

童云音稽說文替也

德

充於容行踐於言高朗而不傷其柔嚴恪而不害其和

特善女工翦制之事又能為雅琴素聲操縵之具

童云操七

正切縵未旦切禮記不學操縵雅聲也

婦道既備宜為君子之配偶焉我

伯祖臨邛令府君諱某受夫人於李氏之廟而歸于正
室臨邛府君之先曰我魯王父清池府君諱某清池之
先曰徐州府君諱某又其先曰常侍府君諱楷常侍之
兄曰中書令諱奭自中書以上為宰相四世噫我伯祖
以宗胄碩大而濟其德厚夫人以族屬清顯而脩其禮

範合二姓以承先祖為士者榮之故佐奉養承祭祀婦
德用光家道甚宜無何伯祖終于臨邛而窆焉

定彼驗切
墓下

棺夫人從子而反于淮潁

音虎
水涯

嗚呼我先府君每得仕

未嘗不奉迎供養必誠必親男既立必使之有祿仕女
必使之有家將嫁已子必先擇良士可以配諸姑者定
然後議焉仲父殿中侍御史府君由是志也夫人生男
一人諱某不幸終于宣州旌德尉女三人皆得良壻隴
西李伯和為楊子丞疾痺廢痼而沒太原王紆令為右

補闕潁川陳萇為校書郎渭南尉知名貞元十六年王
氏姑定省扶持自揚州至于京師道路遇疾遂館于陳
氏以諸壻之良諸女之養無不得意焉享年八十一是
歲六月二十九日終于平康里自小斂至于大斂比及
葬則二壻實叅主之有孫二人長曰曹郎奉之以縗而
正于位八月二十四日葬于萬年縣之少陵原實棲鳳
原介于我先府君仲父二兆之間神心之所安也嗚呼
嗣子早夭臨邛萬里以歲之不易

以政切左傳昭公四年句

未克合

祔哀孰甚焉諸姑合以為斯志以從人之道內夫家外
父母家且又葬于我志于我故叙柳氏為備銘曰

藹其芳壽且康大梁鵲火沈幽光

是年歲星在大梁六月日月會于鵲火

夙淪夫子嗣又喪

平聲

輶幃不復岷之陽

張云輶此見切或作舊輶喪車

飾也

兆靈趾棲鳳里艮之山允之水靈之車當反此子孫

百代承靈祉誰之言者青烏子

風俗通曰漢有青烏子善數術唐藝文志葬書

有青烏子三卷

叔妣吳郡陸氏夫人誌文

夫人諱則字內儀姓陸氏家于吳郡蓋江左上族以宗
子在他國家牒逸隆故魯王父王父之諱官不克究知
而闕其文父覃皇河南陸渾令夫人生而柔筭而禮會
伯舅為河南尹撰擇僚寀

撰息
究切

謂我文學掾仲父士林

殊英儒流推高故夫人歸于我夫人之志也溫順以承
上沖厚以字下不敢踰於冢婦不敢侮於臣妾是宜允
膺福壽集成母儀稟命不淑享年三十有五貞元十二
年十一月己亥終于長安太平里第嗚呼夫人生男一

人曰曹婆幼孺在抱委繯就位女一人曰喜子匍匐繯
繯寄婦人之手哀哉蓋哀門薄祐神道不相顧仲父違
背於歲首而夫人捐棄於是日遺孤眇藐未克承紹凡
我族屬其痛巨乎遂以其年十二月十三日庚午合祔
於少陵原之墓恭惟仲父之諱字夫人之爵齒備于版
文今不書懼再告也

亡姑渭南縣尉陳君夫人權厝誌

唐貞元十七年九月六日甲子前渭南縣尉潁川陳君

之夫人河東柳氏終于平康里將終告于陳君曰吾生

四十有四年為陳氏介婦九年

介婦次婦也
出禮記內則

謹飭不怠

以此命也既成婦矣宜祔于皇姑從兆于三原然而

不幸中道而有痼疾既不及養于舅姑又不得佐于烝

嘗生君之子不暮月而殞嘗謂君宜有貴位而不克見執

親之喪不得終紀皆天譴之大者也且願殺禮

童云殺
所介切

周禮國
新殺禮

以成吾私邇先夫人之墓而窆我焉將俟君之

不諱而歸復于正其可也陳君乃卜十二月十八日權

厝于城南原曰棲鳳如夫人之志且以時日甲子授于
宗元曰子之姑孝於家移于我之長睦於族施于我之
黨是用賓而禮之如益者之友今則去我已矣吾無以
報焉他日嘗謂子慙而文願以為誌庶幸而有知將安
子之為也長無恨矣嗚呼貴不必賢壽不必仁天之不
可恃也久矣遂哭而受命書夫人之世以記于茲石夫
人六代祖諱慶五代祖諱旦位皆至宰相高祖諱楷為
濟州刺史曾祖諱某為徐州長史祖諱某為清池令考

諱某為臨邛令妣李氏趙郡贊皇人其他則俟改葬而後備

亡姊崔氏夫人墓誌蓋石文

我伯姊之塋良人博陵崔氏為之誌

崔簡字子敬

凡歸于夫

家為婦為妻為母之道我之知不若崔氏悉也然而自笄而上以至于幼孩崔固不若我之知也又烏可以已今之制凡誌于墓者琢密石加蓋于其上用敢附碑陰之義假茲石而書焉嗚呼夫人天命之性固有以異於

人孩而聲和幼而氣柔以吾族之大尊長之多夫人自能言而未嘗誤舉其諱與其類戲于家游弄之具未嘗有爭先公自鄂如京師其時事會世難教告罕至夫人憂勞踰月默泣不食又懼貽太夫人之憂慮給以疾告

張云給音急上聲欺也

書至而愈人乃知之善隸書為雅琴以自

娛樂隱而不耀工足以致美於服而不為異言足以發揚於禮而不為辯孝之至敬之備仁之大又以配君子然而不克會于貴壽以至于斯孰謂之天有知者耶太

夫人生二女幼曰裴氏婦

嫁裴僅字封叔

如夫人之懿在二族

咸以令德聞而皆早世其弟昏愚而獨存

子厚自謂

孰謂天

可問耶嗚呼痛其甚歟遂濡血以書志終天之哀與茲

石永久

亡姊前京兆尹參軍裴君夫人墓誌

柳氏至于唐其著者中書令諱奭中書之弟之子曰徐
州府君諱某實有孝德世其家業清池府君諱某繼之
以茂實德清府君諱某承之以善政以至于侍御史府

君諱某用貞信勁正達于邦家克生賢女以配于裴氏
裴氏至于唐其著者禮部尚書諱行儉禮部之子曰侍
中諱光庭嗣用忠肅書于國史祠部府君諱稹業之以
貞直以至于今金吾府君諱傲音慙用純懿端亮聞於天
下實生良子以配夫人嗚呼夫人以仁孝偕生以禮順
偕長始於家純如也終于夫族穆如也其為子道也孝
以和恭以惠取與承順必稱所欲先君與太夫人恩遇
尤厚故夫人侍側無威怒之教焉天禍孽族夙遭大故

我諸孤奉太夫人之養不敢圖死至于復常夫人三歲
無湯沐無鹽酪頓踴叫號哀徹天地外除髮不勝笄體
不勝帶太夫人泣而命之固猶不食朝夕諭誨僅而濟
焉其為妻道也貞順之宜恒服於身體疑忌之慮不萌
於心術忿懣之色

童云懷音
致恨也

不兆於容貌同焉而合於

禮婉焉而得其正其為婦道也惟聽順謹敬睦姻仁恤

之行甚備

仁一本作
任恐非

常以不幸不及姑舅之養用為大

恨是故相春秋之事眎滌濯羞簋簋勞以待旦每怵惕

欽定四庫全書

卷十三

之感至焉則又移其孝于裴氏之門

一本作移其孝于兄公女公

而

以睦于冢婦介婦必敬必親下以不失其赤子之心姻族歸厚率由是也嗚呼我之大譴歟裴氏之大不幸歟以夫人之德行宜貴壽宜康寧然而年始三十不克至于壽良人官為參軍事不及偕其貴骨髓之疾實鍾于身以貞元十六年三月十三日甲子終于光德里第痛矣夫始夫人之疾也夫人之族視之如己其家老長妾臧獲之微皆以其私奔謁於道路禱鬼神問卜筮者相

及也既病太夫人在側尚慮積憂傷于尊懷猶持形立

氣給以少間故二稚未

亂初觀切小兒毀齒

良人在遠不及有

緒言遺念以傳於後則我呼天之痛宜有加焉嗚呼天

胡厚是懿德而闕其報施獨何咎歟余不知天之忍也

既逾月良人至自洛師望門而哭曰無以立吾家成吾

身矣凡在三子幼曰崔七先夫人八月而殯魂氣無不

之也

極弓季札
葬子之辭

次曰崔六後夫人五旬而夭因附焉今

其存者曰崔五幸無恙託于乳媪以虞水火

媪烏老切
女老稱春

秋傳云子生不免水火父母之罪

哀哉其年八月十八日甲子安厝於

長安縣之神禾原從于先塋祔于皇姑宜也母弟號哭而為之志毒痛憑塞略不能具敢告無愧辭無溢美庶用正直克安神心嗚呼至哀無文至敬不飾故無其辭

亡妻弘農楊氏誌

亡妻弘農楊氏諱某高祖皇司勳郎中諱某司勳生殿中侍御史諱某殿中生醴泉縣尉諱某醴泉生今禮部郎中凝

楊凝之凡曰憑為禮部郎中子厚娶其女凝字當作憑

代濟仁孝號為德

門郎中娶于隴西李氏生夫人夫人生三年而皇妣即
世外王父兼居方伯連帥之任歷刺南部夫人自幼及
笄依于外族所以撫愛視遇者殆過厚焉夫人小心敬
順居寵益畏終始無驕盈之色親黨難之五歲屬先妣
之忌飯於仁祠就問其故嫗傳以告

嫗音保

遂號泣不食

後每及是日必遑遑涕慕抱終身之戚焉及許嫁於我

柔日既卜

禮記內事
用柔日

乃歸於柳氏恭惟先府君重崇友

道於郎中最深髣稚好言

髣音迢

始于善謔雖間在他國

終無異辭凡十有三歲而二姓克合奉初言也夫人既歸事太夫人備敬養之道敦睦夫黨致肅雍之美主中饋佐蒸嘗怵惕之義表于宗門太夫人嘗曰自吾得新婦增一孝女況又通家愛之如己子崔氏裴氏姊視之如兄弟故二族之好異于他門然以素被足疾不能良行

左傳昭公七年孟縶之足不良弱行注跛也此文良字諸本皆在能字下

未三歲孕而不

育

易漸卦

厥疾增甚明年以謁醫救藥之便來歸女氏永

寧里之私第八月一日甲子至於大疾年始二十有三

嗚呼痛哉以夫人之柔順淑茂宜延于上壽端明惠和

宜齒于貴位生知孝愛之本宜承于餘慶是三者皆虛

其應天可問乎哀門多豐

張云許慎切音蒙鏽圻也

上天無祐故自

辛未逮于茲歲累服齊斬

齊音咨謂齊哀斬哀

繼纏哀酷其間冠

衣純采

純之尤切緣也曲禮云孤子當室冠衣不純采

暮月者三而已矣無乃

以是累夫人之壽歟悼慟之懷曷月而已矣哀夫遂以

九月五日庚午克葬于萬年縣棲鳳原從先塋禮也是

歲唐貞元十五年龍集己卯

是年太歲己卯

為之誌云

坤德柔順婦道肅雍惟若人兮婉婉淑姿

婉音宛婉音晚又音免順

也鏘翔令容委窮塵兮佳城鬱鬱閑白日兮之死同穴

歸此室兮

詩云死則同穴子厚自謂異時與之合葬

下殤女子墓埽記

下殤女子生長安善和里其始名和娘既得病乃曰佛我依也願以為役更名佛婢既病求去髮為尼號之為初心元和五年四月三日死永州凡十歲其母微也故為父子晚性柔惠類可以為成人者然卒天歛以緇褐

銘用塋甃

蒲歷切

塋零陵東郭門外第二岡之西隅銘曰

孰致也而生孰召也而死焉從而來焉往而止魂氣無

不之也骨肉歸復於此

延陵季子葬子辭見之檀弓

小姪女墓塋記

字為雅氏為柳生甲申死己丑日十二月在九是日塋
東岡首生而惠命則天始也無令何有質之微當速朽
銘茲瓦期永久

故尚書戶部侍郎王君先太夫人河間劉氏誌

文

王叔文之母

夫人姓劉其先漢河間王王有明德世紹顯懿至于唐有文昭者為綿州刺史號良二千石其嗣慎言為仙居令光州長史克荷于前人光州夫人之父也夫人既笄五年從于北海王府君諱某府君舉明經授任城尉左金吾衛兵曹修經術以求聖人之道通古今以推一王之典會世多難不克如志卒以隱終夫人生二子長曰彛倫舉五經早夭少曰叔文堅明直亮有文武之用貞

元中待詔禁中以道合于諸后凡十有八載獻可替否

有匡弼調護之勤先帝棄萬姓

德宗

嗣皇承大位

順宗

公居

禁中

王叔文

訐謀定命有扶翼經緯之績由蘇州司功參

軍為起居舍人翰林學士將明出納有彌綸通變之勞

副經邦阜財之職加戶部侍郎賜紫金魚袋重輕開塞

有和鈞肅給之効內贊謨畫

一本作謀謨

不廢其位凡執事

十四旬有六日利安之道將施于人而夫人終于堂蓋

貞元之二十一年六月二十日也知道之士為蒼生惜

馬天子使中謁者臨問其家賻以布帛嗚呼夫人之在
女氏也貞順以自處孝謹以有奉其在夫族也祇敬以
承上嚴肅以莅下事良人四十有九年而勤勞不懈生
戶部五十有三年而教戒無闕年七十有九而戶部之
道聞于天下為大僚垂紫綬以就奉養公卿侯王咸造
于門既壽而昌世用羨慕然而天子有詔俾定封邑有
司稽於論次終以不及時有痛焉是年八月某日祔于
兵曹君之墓銘曰

夫人之德溫柔敬直承于陰教式是嬪則克生良子用

揚懿美有其文武弘我化理天子是毘邦人是望平聲若

若紫綬

前漢綬若若耶注若若垂貌

榮於高堂惟昔孟氏號為母師

孟母在漢稱賢有戒不疑

雋不疑母見前漢史

懿懿夫人惟其似之

山北之中神禾之原問于靈龜閱此顯魂勒石垂休永

永萬年

朗州員外司戶薛君妻崔氏墓誌

唐永州刺史博陵崔簡女諱媛嫁為朗州員外司戶河

東薛巽妻三歲知讓五歲知戒七歲能女事善筆札讀書通古今其暇則鳴絃桐諷詩騷以為娛始簡以文雅清秀重於當世其後病惑得罪投驪州諸女蓬垢涕號柳氏出也以叔舅命

子厚自謂

歸于薛惟恭柔專勤以為婦

妻恩其故他姬子雜已子造次莫能辨無忤忌之行

忤之

鼓切害也

無犯忤之氣

逆音忤逆也

一畝之宅言笑不聞于鄰元

和十二年五月二十八日既乳

產也

病肝氣逆肺牽拘左

腋巫醫不能已朞月之日潔服飭容而終

飭一本作飾

年若

干某月日遷柩于洛某月日祔于墓在北邙山南洛水
東巽始佐河北軍食有勞未及錄會其長以罪聞因從
貶更大赦方北遷而其室已禍巽之父曰大理司直仲
卿祖曰太子右贊善大夫環曾祖曰平舒令煜高祖曰
工部尚書真藏簡之父曰大理司直璿祖曰某官鯢唐
興中書令仁師議刑不孥其二世大父也巽之他姬子
丈夫子曰老女子曰張婆妻之子女子曰陀羅尼丈夫
子曰某實後子銘曰

翼翼仁師

崔仁師

惟仁之碩一言刑輕綿載二百其慶中

缺曾玄不績簡之溫文卒昏以易七男三女八我之出

仍禍六稔數存如沒宜福而災伊誰云恤惟薛之婦德

良才全隣無言聞臧獲以虔推仁撫庶孩不異憐兄公

是怙

公一本作子

夫屬忻然髮鬢我我

髮音被易也鬢音弟

籩豆惟嘉

烝嘗賓燕其羞孔多有必有嚴神饗斯何奚仲仲虺胡

祐不遐

奚仲封于薛十二世孫仲虺為湯左相

高曾祖考胡嘏之訛淑人

不居誰任于家書銘告哀以真巖阿

韋夫人墳記

韋夫人終成都殯萬年遷柩渭南祔而不合大葬未利以俟禮也其族系如某人之誌塋用元和十四年月日

童云塋音朋又通
鄧切舉其下土

子某為石刻而納諸墳

馬氏女雷五墓誌

馬室女雷五父曰師儒業進士雷五生巧惠異甚凡事

絲纊文繡不類人所為者余覩之甚駭家貧歲不易衣

而天姿潔清脩嚴恒若簪珠璣衣紈縠

紈音九

寥然不易

為塵垢雜年十五病死後二日葬永州東郭東里以其

姨母為妓於余也將死曰吾聞柳公嘗巧我惠我

惠一本作

慧今不幸死矣安得公之文志我葬

葬一本作於墓

其父母不

敢以云葬之日余乃聞焉既而閔焉以攻石之後也遂
為砂書玄塋追而納諸墓

柳河東集注卷十三